



文苑英華卷第八百六十七

碑二十四

釋十八

曹溪六祖大鑿禪師第二碑一首

袁州萍鄉縣楊岐山故廣禪師碑一首

故衡嶽律大師湘潭廣興寺儼公碑一首

魏州開元寺琉璃戒壇碑一首

東林寺遠法師影堂碑一首

曹溪六祖大鑿禪師第二碑 劉禹錫

元和十一年某月日詔書追褒曹溪第六祖能公謚曰大鑿實廣州牧馬惣以䟽聞繇是可其奏尚道以尊名同歸善善不隔異教一字之褒華衮也懷得其所故也馬公敬

其事且謹始以垂後遂咨于文雄令郴州刺史河東柳君
為前碑後三年有僧道琳率其徒由集注曹溪來且曰願
立第二碑學者志也惟集作如來滅後中五百歲而摩騰
竺法蘭以經來華人始聞其言猶夫重昏之見忽爽後五
百歲而達摩以法來華人始傳其心猶夫昧旦之覩白日
自達摩六傳至大鑒如貫意珠有先後而無異同世之言
真宗者所謂頓門初達摩與佛朮俱來得道傳付以為真
印至大鑒置而不傳豈以是為筌蹄耶芻狗耶將人人之
莫已若而不若置之耶吾不得而知也按大鑒生新州三
十出家四十七年而歿既歿百有六年而謚始自蘄州集
之東山從第五師得授記以歸高宗使中貴人再徵不奉

第五師以言為貢上敬行之銘曰

至人之生無有種類同人者形出人者智蠢蠢南裔降生
傑異父乾母坤獨肖元氣一言頓悟不踐初地五師相承
授以寶器宴坐曹溪世號南宗學徒爰來如水之東飲以
妙藥瘥其瘠聾詔不能致許為法雄去佛日遠群言積億
著空執有各走其域我立真筌揭起南國無脩而脩無得
而得能使學者還其天識如黑而迷仰見斗極得之自然
竟不可傳口傳手付則受于有留本空堂得者天授

袁州萍鄉縣楊岐山故廣禪師碑

前人

天生人而不能使情欲有節君牧人而不能去威勢以理
至有乘天上之隙以補其化釋王者之位以遷其人則素

王立中區之教懋建大中慈氏起西方之教習登正覺至
哉乾坤定位而聖人之道參行乎其中亦猶水火異氣成
味也同德轅輪異象至遠也同功然則儒以中道御群生
罕言性命世衰而寢息佛以大慈救諸苦廣起因業故劫
濁而益尊自北東來而人知像教佛未始傳而人知心法
弘以確集作實示其攝脩味真實者即清淨以觀空存相
好者怖威神而遷善厚於求者植因以覲福羅集作於苦
者證業以銷冤革盜心於冥昧之間泯受緣於死生之際
陰助教化摠持人天所謂生成之外別有陶冶刑政不及
曲為調柔集作其方可言其旨不可得而言也惟四海之
大群倫之富必有以得其門而會其宗者為世導師焉

南諱乘廣其生容州姓張氏七歲尚儒以俎豆為戲十

纂道遵懷削之儀至衡陽依天柱想公以啓初地至洛陽

依荷澤會公以契真乘洪鍾蘊聲和至集作斯應陽燧舍

焰晞之乃明始由見性中得自在常謂機有淺深法無高

下分三宗者衆生存頓漸之見說三乘者如來開方便之

門名自外得故生分別道由內證則無異同遂以攝化為

心經行不倦愍彼南裔不聞佛經由是結廬此山心與鏡

寂應念以起教隨方而立因居涉旬而善根集注者知歸

逮周月而帶縛者漸集作悟以月倍日以年倍時瘖朦桐

開荒憬漸革集作邑中長者十方善衆咸信發願大其藩

垣法堂四阿復集作引僧舍身心恒寂像馬交馳隨其去

來皆得利益踰嶺之北涉湘而南仰茲高山知道有所在
此地緣盡脩然化俱神歸佛境悲結人世自趺坐而滅至

于茶毗三百有六旬矣爪髮加長容澤差衰真子號呼圍
繞薪火得舍利如珠璣者數十百集作百十又焉於戲肖

圓方之形故寂滅以示盡入菩提之位示集作殊相以現

靈集作亦猶鳳毛成字麟角生肉必有以異不知其然於

是服勤聞法之上首曰甄叔集作乃率其徒圓寂道弘如

亮如海等相與拭淚具役建塔于禪室之右端從衆也初
廣公始生之辰歲在丁巳當玄宗之中元也生三十而受

具更臘五十二而終終之夕歲直戊寅當德宗之後元三
月既望之又十日也後九年其門人還源以為崇塔以

集作是神與建銘以垂休皆憑像寄懷不可以關一繆謂

為習於文者故重足千里以誠相攻大懼其先師德音與
時寢遠且曰白月中黑東川無還颺于金石傳信百劫彼

隨墮淚之感豈儒者流專之敬酬斯言銘示真俗文曰如
來說法遍滿大千得勝義者強名為禪至道不二至言無

辯心法東行群迷丕變七葉無詞四魔潛翳沸衣生塵佛
法如線吾師覺者真極道樞承受密印端如貫珠一室寥

夙集作然高山之隅為法來者百千人俱齋民啜啜戶有羣
莊攝行方便家藏佛書願力既普度門斯盛合為一乘散

為萬行即動求靜故能常足絕緣離覺乃得究竟死即我
休集作非作樂生死即作非我病常藏者身常圓者性本無言說

咐囑其誰等空無碍後覺得之像閔靈集作虛塔迹留仁祠
十方四輩瞻禮於斯

故衡嶽律大師湘潭唐興寺儼公碑 前人

佛法在九州問隨其方而化中夏之人汨於榮枯集本作榮利

破榮莫若妙覺故言禪寂者宗嵩山北方之人銳以武力

集無力字攝武莫若示現故言神通者宗清涼山南方之人剽

而輕制輕莫若威儀故言律藏者宗衡山是三名山為莊

嚴國必有達者與山比崇南嶽律門以律公為上首律之

後雲峯證公承之證公之後湘潭儼公承之星月麗天珠

璣同貫由其門者為正法焉公號智儼曹氏子世為仰之

右姓兆形在孕母不嗜葷成童在侶獨不嗜戲其夙植

厚者歟生九年樂為僧父不能奪其志抱經寄入峒嶺

徙名師執業凡進品受具聞經傳印皆當時大長老我入

名門不住珠乘我得集作行覺路逕入智地屋集作居室方丈

名門大千護法大臣多所賓禮嗣曹王臯之鎮湖南請為

人師自是登壇蒞事三十有八載由我得度者萬有餘人

人持寶末解瓔珞為禮公色受之謂門弟子曰彼以有相

求我我以有為應之凡建寶幢修廢寺飾大像極其工應

物故也元和十三年九月二十七日中夜具湯沐剃頭頂

與門人告别既集無既字即寂而現集作視身與色無有壞相鳴

呼豈生能全吾真故死不速朽將有願力耶余不得而知

也問年八十二問臘六十三葬於寺東北隅傳律師子中

選道準傳經弟子圓皎真際與其徒圓靜文外惠榮明素
存政等欲其師之道光且遠故咨余乞辭乃作長句以偈
銘之曰

祝融靈山禹所治非天有道

集作非天不道

不可止中有毗尼出

塵土

集作心

以律視儼循孫子登壇人師四十紀南方學徒

宗奧旨幼無童心至覲齒識滅形全異凡死長沙潭西逾

集作幾

五里陶侃

集作佩同

故居石頭寺門前一帶湘江水干嗟

律席

集作虎

之名兮與湘流而不已

魏州開元寺琉璃戒壇碑

李輔

正覺出乎道而道以文或得其儒或得其佛曰仁佛亦曰
仁儒曰義佛亦曰義儒而佛之云戒義者禁人爲非者也

直事得其宜故將祭將征必設壇爲壇以重宗戒者豈亦

禁人爲非者耶將事亦壇亦場以俵其限原筮者何來自

前教祇園之初位序以立其徒

一無徒字

從之流我中原喻者

既蹈而乎迷者不知其所界以其衆視而歸達者存而不

習其從亦無不利我僕射廬江何公在藩之達者也功名

既有四履來安述職之餘岌然無事此寺住僧會恩法門

之津梁也於寺殊構久以莊嚴去大和七年四月十九日

因公行寺自有琉璃壇法請公爲地公曰然其用安在會

恩言釋徒無言而有注相注相之歸戒壇爲本金剛以不

壞悠久琉璃取至淨爲光持戒堅固洗心清明有如是也

若夫壇場之原乃與碣石而長存比丘之功非法無以入

善非趾無以出俗出俗歸真此其趾也故崇登頓以攝威儀威儀既明定惠斯了居凡匪造履達方遊在昔三聖有言後生傳法莫不以爲四生路廣人天業殊炎赫清涼所乘異境先迷後得無患夫悔從悵悵而行聖人惻隱慈者用是興悲義者於焉外護外護之仁非大君大臣不能以有施解極之理要道斯存伊釋命微罔能弘綽公曰然定惠之深吾所未極惻隱之際儒釋何殊且或一作哉疑利用生成戒亦道一作導人之理因令除地約戒俾築壇其心命曰莊嚴之度締構之工一以予之之度立工懸告公乃捐其真俸以成梓陶之具俾會恩錄之一歲而壇上下俱構賁以琉璃釀之丹漆疊于文房張軒達戶如龍之蟠如鳳之

鸞燿縮椽盧觀者動然神寘其隅珠內其頂重級頌率光輝映剏于東序擬議東方法生於東我願無已寺德又言前有三門旁有二樓二樓三門可以加飾公曰然其亦琉璃壇之畢會恩請事公遂奏置義壇以資法侶行者不蒙一錢居者不輸毫髮樵䟽絲穀仰公私廩先治一作法是一日有瘖僧就筵後法一日而瘖僧遂口寺者以爲祥感之應其然豈不然耶輔植業於儒異門釋氏其間等級尚較故希有歎揚之聲令此抽毫以公有命具序釋氏來告之門非有準繩非多要贖亦蓋之而已矣在書有序在物有容事立功成宜論篆刻述者敢廢斯文銘曰

崇維祗園在藩之東爰立其壇有隆一作其壇有豐賁以琉璃

覆之窮隆上高下厚中焉有融有融伊何鑒彼威儀寔繁
茲構童童耆者在昔初法築之締之及今一作命大輅斲斯
礪斯妙取天巧固擬神保論是機祥未資壽考無此端本
定惠不生無我明公追琢不成郁茲介福肅彼緇英涉級
東方未載厥名

東林寺遠法師影堂碑序

李演

天之高也日星垂其耀地之厚也山嶽鎮其維人資三才
之靈挺五行之秀奧有邁德宏域融神惠境焯迦羅之絕
照挹甘露之玄津配名岳而永崇晞扶桑而不息則慧一作
惠遠法師其人也法師鴈門樓煩賈氏釋道安之門人其
英姿朗韻清行素節詳諸舊碑及張氏傳固以杳映前秀

鑄鑠令開灰心土骸而神機天發金口木舌而法音

無取無捨而律儀冰澈不生不滅而禪性暉如抱德陽和

而浩類洗心潛靈淵沼而遠方翹首脩不共法而常一作恒

軫大悲薰般若智而富諸梵行故能誘納衆善沙汰群疑

萬流仰海而同歸一雨施物而咸潤可謂阿摩勤果實從

中生分陞利花性非外染矣自晉氏太元年法師始飛錫

南嶺宅勝東林世更七代年垂四百流芳遺潤金鏘玉振

當一作催時之美虎溪為釋氏龍門挹千載之風匡阜擬

縉紳闕里皇唐貞元十有一祀江州刺史馮翊嚴公士良

秉明德以分符宣中和以述職上贊緝熙之化下臨擊壤

之人以無為政克用其民一作以無為政巡繙外野指途中

林敷在禪關式瞻遺像喟然嘆曰斯名也寒暑不能易其
芳斯德也江海無以臻其極彼瑣行纖節尚崇植楹廡正
位居室噫尊美若茲而隅形在壁俾珍儀掩翳清光不曜
豈悼德允元之旨乎乃與寺之上首熙怡律師圖之將邁
一作速 勝宇且示實相律師久儲于懷果協其素旌美樹善
二謀同心悅徒勸工成之匪日綉薨翼其雲聳眸容儼以
景彰觀至道者存妙像于鏡中味微言者得玄珠於意表
豈止惠議攝一作攝 英姿而雨汗仰素風而心醉哉故
非夫遠公之志德不能譯聖文服秀民非夫嚴公之澈識
不能立清祀揚妙軌篆芳金石敬贊二美銘曰

粹靈純綸一作論 是一作寔 惟至人含德摘曜升陽發春道光

海城幽邃嶽濱六髦棄蔽八士辭巾緣徂物謝跡留事
百億神遊恒沙化廣昭昭遐軌冷冷未響慧日凝暉白雲
翹想曠哉明牧遠味芳風思覲遺像求之列壙爰構一作庭
棟宇式是道宗旌休垂洪地久山崇

文苑英華卷第八百六十八

碑二十五

釋十九

杭州鹽官縣海昌院禪門大師塔碑一首

彭州九隴縣再建龍興寺碑一首

宣州新興縣寺碑一首

魏州故禪大德獎公塔碑一首

杭州鹽官縣海昌院禪門大師塔碑 盧簡求

奧若大師示滅之四月院主僧法昕萃諸門人授簡於簡
求曰若之師深索禪悅為本宗之門人前時來謁我師一
言有得今將以是月十七日謹護法器藏於靈龕緣微烈
於樂石者非子而誰歟簡求於義無文字之解辭不得已

乃粗舉其要以備用焉師諱齊安知者謂帝系之英高門
之出先人因難播越故師生于海汀郡焉深避世榮終秘
族氏尊其雅尚故亦不書在胎而夢日兆祥既孕而神光
下燭數歲有異僧款門召見摩其頂曰鳳穴振儀龍宮藏
寶紹隆之業其在斯乎及卅亟請出家父母呵止之師曰
祿利之養止於親爾真報之利不其遠耶珪組之榮止於
家爾濟拔之利不其廣耶父母感悅而順聽遂依于本郡
雲宗禪師雖勤榮謙默和光同塵而螢月殊輝雞鶴異態
矣當年受具乃詣南岳知嚴一作嚴律師外檢律儀內照實
相非修非證雅會真詮後聞南康之龔工山大寂大師隨
化度人慈緣幽感褰足振錫不日而至本師竒而悅之乃

以辨惠暢其指歸俾於利那而登妙覺及大寂蛻去盡凡
送終後遊於他方爰弘於般若且曰胎外濕化無非佛種
行住作臥皆是道場方便隨迎各安性類妙心法眼其有
限乎元和末師春秋已逾七十而居越蕭山之法樂寺寺
古製陋垣屋靡完補壞扶傾不克宴坐時昕於海昌放生
池墟廢地肇葺禪居焉脩廊大殿彩壁層甍鼠留白屏鱗
介咸若昕謙不自有延請我師慕學之徒從而至者日比
百數迨今委化年整二紀釋子仰食信士擅施杭徐糗餌
蔬果飴糖無精麤之分別無凶札之隆殺星馳阜積莫辨
誰何非真報勝因何以臻此師不言寒暑不下堂廡無留
盼無傾聽如此者蓋有年矣每五日開法四座屏氣直心

示一作體引經證心法外無言叩之即應不分迷悟矧勝

負之機耶不有定慧矧是非之相耶與夫顯神通而振道

業者固相遠也而又法身魁岸相好莊嚴眉毛紺垂顱骨

圓聳望之者如仰高華而揖滄溟曾不測乎高深者也於

戲德攸天縱為傳教之法雄道實生知蓋積習於聖位聆

其風者皆曰不可思議粵以會昌壬戌歲十二月二十一

日泊然宴寂俄爾示滅先時而竹栢盡死至是而精彩益

振爰有清響扣戶祥光蒲室如環佩之鏗鳴若劔戟之交

射示現之相豈由於我哉嗟乎流禪河於法海寧有盡期

詮群品于三乘同歸聖果令也徒瞻相妙求闕輝容橋壞

玄津雲狸瑞日學徒信士哀可既乎是用追採遺言重宣

教肯銘曰人心常靈法證常明定慧一相有無俱名於

有得自師歸寂一作自歸空寂近取諸身胡云不識五千尊經何

限奧義迷者見文悟者見意見者無住指即是處醫病未

除徒勞廻顧我行慈悲示爾蚩蚩無鑿高原自有清池大

師之言一一真詮不疑不怖同歸善緣

彭州九隴縣再建龍興寺碑 陳會

郡之雉東方萬楹橫空屹然麗醮之欲造乎天倪者某名

曰再建龍興之佛寺焉厥初寺號大空天授二年為大雲

我唐開元中詔號龍興會昌五年廢為閑地僧俄巾像示

滅鍾聲絕耳樓臺為薪吁呼表成毀哀之數者其實在言

然而不知言者徒行咨坐歎以為吾釋門之大教將灰燼

於今日矣殊不知流濁者攬而清糝多者簸而精繇是未
經歲我皇馭九土懷八荒以爲我之提大化也無欲其一
事之不得其所於我也而况釋之教毗我之爲理者深可
取焉弘大法則生死皆無是鎖我之七情也推小乘則禍
福皆有是割人之衆惡也惡之興我刑止於殺惡之釋我
刑惟其生繇由澄上流禁浮俗曾何以異我之理焉繇是
我負宸玄郊而復詔天下使率土郡府各復其寺寺之數
郡府有蓋釋之數男女一致其於夫彭爲郡得復寺之二
馬二之數龍興居一寺度僧三十精選進一作行能臻
不二之門者居其右馬開須達之園者抑其次矣謹住持
善完緝使材無遺用衆有所歸肩一心紹前構不瞬目變

寺如從踊出者其慎選得人力焉其始也披蒿萊割

莽重疊敗棟草創危梁嚴贊頌晝夜以聳其信心示因果

教化以開其衆意既而遠近咸萃者艾必疑作臻浹月疊

旬資糧山峙嘯良工度貞木繚以周墻七百餘尺一旦二

疑作以備廊間百十四然後中堂雲構三門洞開儼八臂

之瑞容施丈六之金質崢嶸曜落哉飾遽宇而鳳欲狂飛

抱危梁而繆將拘力吁呼窸窣嚴固不可一二言之也

兄乎列開講宇周繪四牖東序設以聖神部五合沓西廂

施治無畏常晬慈容然後倣以天途馮其地府笙牖鏡鈸

嘗聞真界之音鼎鑊砧錘盡載鄴都之苦是使即之者勇

善望之者悛惡誠象設之多岐亦箴規之別戶者也况創

浮圖建寶刹請金口之妙典萬軸玉崇銘佛頂之具言講
幢珠綴是知摩勝建寺豈滯有爲如來葺門寧妨無着以
是因復寺而破性相者以爲空寂兩忘方歸真諦性相俱
在未入妙塗如是則理乖圓對法闕影從俾迷方者盡不
得出於二途溺川者何緣極於五行茫茫八表盡從心猿
浩浩群生誰調意馬因知空寂與性相同途性相與空寂
易執非性相無以臻空寂非空寂無以見性相是知性相
爲空寂之筌蹄空寂因性相而超度如是則寺不得不復
道不得不弘捨之不可猶四教之在躬爲之則無何三乘
之別載大矣哉釋教之復興者其於誨誘彌化不可得而
名也而况彭門地控山河信多獲得邪正相軋是非堅
雖五刑具設誠足以攝其威而百法俱陳固可以歛其
予剖符是郡星欲二周守成之下螟螣望境而他飛行化
之物疑商旅乘風而沓至以是公多暇日因諾衆長老與
鄉之鮐耆之請而書復寺之歲月以廣其一二焉銘曰
吾皇混一二教兮復建仁祠復之多少兮其數甚且不屈
土木兮不奪耕機吮筆糾窮兮日用不知上或以之爲定
制兮不熾不衰寺之一復兮衆知其非

宣州新興寺碑

盧肇

至哉邃古已集作來天之末錫正命者其惟帝唐乎聖祖
神宗光啓土宇垂億萬祀克承休嘉莫不以禮樂先兆人
以慈儉任天下仁居惠住營魄離者而其施猶存揭淺厲

深心跡泯者而厥功亦在常善救人常善救物非至德誰能二字集作普行之故鬼神受祉黎元樂康寶祚延洪率

由此道也於是表大覺為靈根與群生共有叩真空而不壞惟聖者獨知非崇夫金輪氏之教則焉得窮理盡性齊

萬法於物我哉是以沉善惡乎洗集本文粹妄之泉擢枝

莖乎植性之囿常令學者崇飾集作精廬顯有唐二本作

皇亦如庠序郡國分理必付元臣將俾群生罔不開悟且

天斯干秩秩止在周邦靈宮彤彤唯居魯國曷有列剝映

乎霄顥飛薨麗乎陽光瞻彼玉毫儼然金地翬軒鷗皖岫

聳雲攢遍於州郡若斯之美與若夫宣城新興寺者會昌

四年既毀大中二祀故相國太尉裴公之所立也公諱休

李公美河東聞喜人代濟文德洎公彌大擢進士甲第

登直言制首未三十由捨遺遷殿內鴻名偉望迭處清雄

入奉絲綸出省風俗拜春官則齊驅驥馭視民部則克阜

生齒至於調入王府貨出水衡泊涉台司亦勞厥事凡三

拜庶察五授節旄孫先生有愧知兵山巨源當慙視史二本

作揆路既長乎百群荆門復平乎水土公降由辛未歸以

甲申為唐碩臣作佛大士光珉顯竹此不復書所至之邦

必與修淨行大中二年拜宣城常與名緇會難有設疑以

試公者曰三界虛妄群生顛倒可二本有修行能解纏縛

孰為智慧可二本化凡愚胡為乎公之區區徒自撓耳公

曰噫嘻珠玉在櫝啓之則見其珠聖賢有門行之則踐其

闕分塗而往惟善惡焉善惡如東西耳趣之不已則至其所焉在乎推心於不染馭馬於無塗也如是三界信真實群生非顛倒但學者不能窒慾攘貪遺名去利弗捨有漏而思住二本無為耳然捨之自我取不由人非用智慧解彼纏縛如此則了無一物以撓吾真也他日門人有謂公曰敢問三界之言未立人不知脩行不知因果畏陰隲者不為之多介景福者不為之少理亂增損繫乎其時洎斯教也行乎諸華愚人畏罪以損其惡賢者望福以增其善增之不已則至今當盡善矣損之不已亦至今宜無惡矣何昏迷暴虐無戒於秦漢之前福慧聰明不增於魏晉之後歸之者殊途輻湊立之者萬法雲興稽諸天下見其文

求諸古莫有其法號為大聖作天人師是宜使吾人盡

覺路不宜使蚩蚩庶類由古迄今若斯爾之

文粹作若斯之者也集作

若斯之感設使

集作或

像法至今未行將盡墮惡道為鬼為蜮乎

夫法未始有今而有之希聖之徒可存而知之也其由之

之固庸非溺乎公笑謂之曰大昭肇啓法不齊

二本作濟備聖

人繼作代天為工結繩畫卦質文滋變一聖立一法生天

道人事顯若符契夫燧人氏之未為火也則天無火星

無火食龜無火兆物無火災必矣少昊氏之未理金也則

天亦

二本無亦字下同

無金星人亦無金用龜亦無金兆物亦無

金災必矣及聖人攻木出火鍛石取金於是乎精芒主宰

騰變上下則知世法時事隨聖而立佛

二本無此四字聖人也考

精神之原文粹窮性命之表作大方便護於群生受之而

不知盖由天道運行物以生茂皆謂自已孰知其然也於

是問者廓然自得佛味武宗時毀寺而宣之新興故有崇

基廣廈文甍雕甍鞠為土梗唯喬柯灌木森聳澗瀆二本

祥煙翠藹二本交覆巖麓耳及宣宗詔許立寺宣之四人

相鼓以力二本請先立之於宣郭公獨不許遂命苾芻上

首元敬謂之曰吾聞之新興寺大曆初有禪師巨偉南宗

之上士也與北宗昭禪師論大慧綱明實相際於此始作

此山道場後有洪禪師作草堂於道場西北其旁有藻律

師居之逮二本師去世間人立塔院貞元中巨偉之門人

靈翹始請於太守合三院而為寺彼皆知慧傑出親啓山

林今之立寺無以易此也議定郡東故有妙覺寺寺雖

而杉檜多大十圍一旦有二龍闕谷中拔大樹三十二視

之皆殿宇之材也公嘆曰將立寺而龍拔巨樹天其有意

乎遂用之於是霜斤沐楹玉砂瑩礎上下其響音中桑林

不替年集作而雲攢肆榮風搖寶鐸六扇月照金鋪

勝絕集作一源繚壻百雉繕脩多羅為攝受置無盡藏為

莊嚴窳窳幽邃翰魚博敞盖江南之首出也初奉詔隸僧

二文粹十人今其存者大半構殿立門有軒有廡則律師

元敬法華道冠首其事編經立藏不遺句偈則維摩從省

禪門真會著其功善集檀施備脩房廊學于三時旁窺六

義則金剛清越服其勤而法華遂言涅槃明則泊法林超

...

度皆以禪學為宗律師道隨宜春人幼植浮行行二本作

泥洹二本妙旨一日二字二以披文相質之事造余于新

安余既許之道隨復言繼二十人者皆苦二本脩持一作

能遺物累則有應玄友恭道幽仁寶懷資從儉惟恭文明

文粹師迴師宗思靜常政文暢弘暢契蒙景先法進惟勤

志弘玄操與前輩又為三二本十人矣而太尉所立有殿

內千佛有地藏院有上方石盆院又以俸錢入膏腴之墅

為地藏昌大定中之謀始于太尉太尉作之門人述之有

作有述誰曰不然乃為文二本曰

奕奕新興敬亭南麓鉅構崇基崢嶸燁煜伊昔既毀二本

神愁鬼毒洎將再營二本天人合福艷有連龍其怒則觸

助作棟楹拔此巨木雨運風移騰六川跨陸神怪戮九

老幼同心蚨翼飛貨龍鱗布金揭立赫奕化成嶽峯玉礎

方丈花臺百尋日明香刹雲生寶林太尉裴公聳其學者

弘以戒光甘露披瀝示厥有為取彼難捨必有精靈扶持

大厦小儒刻石有慙史野求言欲之庶近風雅

魏州故禪大德獎公塔碑 公乘億

蓋聞妙諦惟玄不可以一理測真筌至奧不可以諸相求

隨萬化而泯色空而不生不滅超三界而越塵垢故無去

無來此乃不思議者其惟西方釋迦牟尼佛之謂乎伏自

教傳西域化被中原漢明推入夢之祥梁武顯施身之願

語其大也外不見須彌之廣言其小也內不知芥子之微

斯乃梵壘衰疑作然代代相付肇自摩訶迦葉迄于師子

尊者統為二十三代而後達摩多羅降于漢土至能秀分

之為七而後苞披葉附派別脉分其真宗不泯不滅者則

我大覺大師固有系焉和尚姓孔字存獎家本鄒魯即闕

里之裔孫也乃祖乃父因官隸於薊門歷祀既深籍同編

人和尚以無量劫中脩菩薩行及茲降世豈同凡倫當衣

采之妙齡蓄披緇之大志未踰七歲即悟三乘啓白所親

懇求剝落遂於薊三河縣盤山甘泉院依止禪大德曉方

一有而字乃親承杖屨就侍瓶盂啓顧全身惟思半偈大中五

年伏遇盧龍軍節度使張公奏致疑作壇場和尚是時戒

霜方具而後大中九年再遇侍中張公重起戒壇於涿郡

衆請和尚以六踰星紀三統講筵宣金石之微言示玉

之真相三千大千之世界靡不瞻依十一十二之因緣竟

無疑滯禪大德玄公者即臨濟之大師也和尚一申禮謁

得奉指歸傳黃蘗之真筌授白雲之秘訣所為醍醐味爽

乍灌頂以皆醒薝蔔花香總經手而分馥一旦旋辭舊刹

願歷諸方西自京華南經水國至於攀蘿冒險踏石眠雲

經吳會興廢之都盡梁武莊嚴之地無不追窮聖跡探討

禪宗後過鍾陵伏遇仰山大師方開法宇大啓禪扃赴地

主之邀迎即遠言會天人之供施而陳奧義衆莫能分和

尚立以剖之如刀解物仰山目貽擊指稱歎再三遽聞臨

濟大師已受蒲相蔣公之請總凝省侍飛錫而遽及中條

尋獲叅隨致林疑作而將渡白馬當道先太尉中令何公

專發使人迎請臨濟大師和尚翼從一行不信宿而至於

府下而乃止於觀音寺江西禪院而得簪裾繼踵道俗連

肩曾未期年是至遷化斯盖和尚服勤道至展敬情深無

乖靈堵之儀克盡茶毗之禮云乾符二年有幽州節度押

兩蕃副使檢校秘書兼御史中丞賜紫金魚袋董廓及幽

州臨壇律大德沙門僧惟信并涿州石經寺監寺律大德

弘嶼等咸欲指陳盤嶺祈請北歸和尚欲徇群情將之薊

部晨詣衙庭啓述行邁先時中丞韓公之叔曰贊中遽聞

告去撫掌大驚迺曰南北兩地有何異也魏人何薄燕人

何厚如來之敬豈如是耶和尚辭不獲已許立精舍韓公

之叔常侍及諸檀信鳩集財貨卜得勝槩在於南甌門外

通衢之左成是院也有如化成松栴將祀俱俱來文石與

砥礪荐至重廊復道竹翠松青四戶八牕風輕月朗和尚

樂茲幽致用化群迷開鮮脫門演無量法能使天花散地

水月澄空常與四衆天人皆臻法要六州士庶盡結勝因

豈謂一念俱尸奄從物化斯乃文德元年七月十二日也

享齡五十九僧臘四十一有親信弟子藏暉一作行簡一

以主喪一以傳法大德奉先師之遺命於龍紀元年八月

二十二日於本院焚我真身用觀法相闔城禪律繼踵爭

來四達簪裾連肩悉至於是幡花蔽日螺嗔喧天火總發

而雲自愁薪不加而風助勢三日三夜號禮如斯於香燼

文苑英華卷第八百六十八
之中得捨利一千餘粒諸寺大德各各作禮請分供養焉
於戲雪氎如故其儀宛然俸一履以徒悲仰雙林而莫見
遂建塔于府南貴鄉縣薰風里附於先師之塔志也憶到
職之初曾獲瞻禮法主大德藏暉不以億才業庸淺具聞
於我公相請撰斯文億秉筆惕然得盡蕪鄙銘曰

傳如來教厥惟大雄百千劫外方丈室中慈悲是念色相
皆空端然不動豈染塵蒙其矯跡三界安心四禪身雖是

假道本無邊璞內有玉火中生蓮傳法何處隨其有緣其

越絕支道庄廬遠公高情遠致跡異心同既離邪縛肯處

凡籠松軒竹徑空悲夜風其我性不動我心就燃果得舍

利粒粒珠圓幡花艷閃爍交連唱偈作禮聲徹梵天其

寶刹新建招提舊蹤蓮步不見葱嶺誰逢響亮朝磬清

夜鍾歷千萬祀傳我禪宗其五

苑英華卷第八百六十九

碑二十六

德政一

德政碑凡二卷英華所編失作者先後之次今正之

隴右監牧

集作校

頌德碑一首

河南隱尹張公碑一首

淮南節度使崔圓碑一首

魏博節度使田弘正碑一首

隴右監牧

集作校

頌德碑一首

張說

周禮校人掌王馬之政天子十二閑馬六種閑為一廐馬

二百一十六應乾之策也六廐成校五馬

集粹作良

一駑是謂

之謂小備校有左右閑成十二合月之道也駑馬三良馬

之數凡三千四百五十六是謂之大備秦并一海內六萬

騎之國馬盡歸之帝家則周制陋矣漢孝武富

一作當

文景

儉苟一作約之積雄衛霍張皇之勢勒兵塞上廐馬有四十

萬疋東漢魏晉國馬陵夷不可復逮武帝時矣後魏以二

無此字胡馬入洛蹴踰千里軍陣之容雖壯和鸞之儀亦闕

大唐接周隋亂離文粹作罹之後承天下征戰之弊鳩括殘燼

文粹有得牝牡三千從赤岸澤徙之隴右始命大僕張萬

歲葺其政焉而奕世載德纂脩其緒肇自貞觀成于麟德

四十年間馬至七十萬六千二本無此二字疋置八使以董之設

四十八監以掌之跨隴西金城平涼天水四郡之地輻員

千里猶為隘狹更拆八監布於河曲豐曠之野乃能容之

于斯之時天下以一繻易一馬秦漢之盛未始聞也張氏

中廢馬官亂職或戎狄外攻或師國內寇垂拱之後二十

餘年潛耗大半所存蓋寡開元神武皇帝登太寶受靈

永瑞感而河龍出星精應而天駟下二年春帝乃簡心膺

二本善畜之將卜福祐宜生之長俾領內外閑廐使馬即

開國霍公文粹作開府霍國公其人也公名毛仲姓王氏開元佐命

之元勳東國亡王之後裔四伯輔禹與理集作治水之謨四

七興漢在經星之列文粹作裔清明虛受察含冰鑑籌謀先覺

慮出著龜竭無私之忠而善歸天造輸不懈之力而玄同

日用故得騰躍風雲攀附日月策功第一承恩莫二庭羅

魏絳之鍾鼓第賞堂邑見東方傳二之山林文馬蕃錫於

晉侯御衣亟一本分於韓信庶姜如玉則降榮彤管衆子

垂髻則抱拜朱弟二本聖人之見之二本無也必猶爾

其外又有閑人萬夫散馬千隊骨必殊貌毛不錯二本雜群

行如動地止若屯雲百蠻震聳四方抃躍威懷紛紜壯觀

揮霍迴衛飲至朝廷宴樂上顧謂太僕少卿兼秦州都督

監牧都副使張景順曰吾馬幾何其蕃育卿之力也對曰

帝之福也伸之令也臣何力之有因具上其狀帝用嘉焉

霍光口無伐辭貌無得色朝髦庠齒欽二本以多之於是

明威將軍行左二本衛即將南使梁守忠武將軍行右

作羽林中郎西使憑嘉秦右千牛長史北使張知右

左驍衛即將兼塩州刺史監州監牧使張景遵隴州別駕

脩武縣男東宮監牧使常衛都使判官果毅齊琛惣監

績集作及五使長戶三萬一千人僉曰自開府此我十三

年矣畜有媿息人無乏匱克厭帝心莫匪嘉績且如

南兩使六頃人夫藁穀計八十萬功二本闢石以息人約

費其政一也納長戶隱田稅三萬五十石以檢私肥公其

政二也減大僕長支乳駱馬錢九千三百貫以窒隙止散

其政三也供軍筋膠十萬七千斤以收絹繕工其政四也

蒔苜蓿首菑一千二二本百頃以莢蓄御集作冬其政五

也使監官料舊給庫物新秦集作置本牧二本分其利不

喪正錢二萬五千貫以實府宜官其政六也買死畜貯絹

八萬疋往嚴道市焚僮人集作口以出滯足人其政七也

五使集作長戶數盈三萬墾用給食糧不外資以勤農却

輓其政八也敢問監二本牧之事孰能如二本於此乎然

則稱伐計功前典所貴上以美聖主擇才之得人下以贊
忠臣受任之盡節末以道官屬承風之成事竟以示後代
昭前之令聞是四烈者不可廢也既而大君有命舊史書
功吟咏一本作環竒篆刻金石秦汧渺渺尚想非子之風魯
野區區猶傳史克之頌誠從此而觀彼夫何足以言哉頌
曰皇天考牧兮聖之君四十三萬兮馬為群塹汧渭兮垣
隴坂飛黃阜兮昆啼苑山崆峒兮水鳴咽泉噴玉兮草汗
血聚如華兮散如雪性既馴兮才亦絕維國家之大事駕
時龍兮祭天地和鑾發兮文物備維帝皇二本作之七德
愍戎馬兮威萬國絲髦翻兮金介直二本作有霍公之掌政
擇張氏之舊令天王大二本作駕兮伏黃麾大僕駉乘

無此字今展輅儀舞月駟兮蝶雲螭神侗儻兮志二本作權

騏驥溢野兮牛羊日多子孫榮位兮恩寵如何頌皇靈兮

篆金二本鼓萬斯年兮群王府作石

此篇集粹所載如堂邑作京邑駟維作馭駘之類皆
日本差誤逐項各注非字當從英華元本

河南尹張公碑 韓信卿

惟唐六葉歲在乙未兇臣肇亂殘毒生靈穀洛之郊七年
方平宮廟燔夷府寺為墟陰燔疑作轉于原隰麋鹿遊于
街陌天子乃命河東郡侯延賞尹於東夏恭惟河東虔稟
聖謨清默無為外務徑簡內無讌嬉勸沮以仁休息以和
視人猶身視邦猶家一年流亡磨至二年土壤咸闢三年

公給人足家有餘積疏達河渠導塞提一作堤封溝洫化爲

東川山木流於郡國乃立宗廟乃建一作構寢殿變丘墟爲

閭里散災棧爲和氣公府若虛戶庭不尚牛馬產畜牧而

不羈若守四年遷官罷鎮東人父子孀獨窮老若遊魚之

失於淵栖禽之喪于林於是河南洛陽洎甸內二十二邑

長守將校及佐吏耆艾三軍之衆相率琢石頌美表揚仁

風詞曰惟皇統極繼業嗣聖兇臣無君矯衆犯順都邑殲

殘化爲丘樊於烈河東受命緝熙守一含光體醇忘機以

禮代刑以簡重威政得其恒物遂其生措置典刑士吏自

清弭廢鞭笞黎氓不欺芄芄榛楛變爲禾黍氛侵蒙蒙散

爲祥風乃設堤防禁遏溢瀑湍得安流時無水禍乃疏河

渠浸枯決澗河渠既流山木浮浮煨燼之中再立清廟

榛之下再閱高駁人不知役公有盈羨風聲沛然大化四

流歸朝執憲惠贊皇猷我有牛馬牧而不羈我有兒童路

不捨遺泱泱田疇疇能繼之洪惟魯古淳風揚揚下及有

周亦稱二南烈烈河東實嗣其風

淮南節度使尚書左僕射崔公頌德碑銘并序

李華

在昔召公相武王除人之虐一作除害去虐敷命帝庭一有周字

成王卜洛定宅登頌清廟奉康王會朝豐宮克致太平惟

崔公相玄宗保寧聖德鎮安天下輔肅宗掃除凶穢紹享

太平事今上振宣明威撫綏淮海惟申伯翊宣王登南郊

一作興周室小白率諸侯征楚翟奉王職與崔公叶德同
勲皆姜姓也夫議盛德論大功贊大賢舉其殊倫卓然昭
明不書其細申大體也故詩陳方叔之烈曰方叔元老克
壯其猷又美韓侯之封曰有倬其道韓侯受命今述崔公
亦不名不備官古之制也後魏尚書亮八代至公海內首
族人倫德範公少負文學重名且兼宏略敷一作揚于王庭
甲科入仕歷京兆倉曹叅軍再遷司勳員外郎丁太夫人
憂以毀聞終喪拜刑部員外郎兼侍御史知劔南節度留
後使逆臣起幽陵陷潼關至尊哀兆人思古公避狄之義
於是帝車西南依我心替拜中書侍郎平章事劔南節度
採訪使玄宗克讓聖子家爲唐虞公出納王命至于朔方

彌諧二聖孝慈光明自西自東殄殲元惡天討之師爰如

山行寇若霜藁鼓燎無餘一作帝曰爾圖實叶朕志官中

書令拜趙國公公拜稽首臣敢上冒以負天明命帝遂其

高俾作少師師訓東宮兼長邦憲居守洛京乃傳濟王又

典汾州王德日宣汾州阜安乃統江淮主三軍督萬人加

工部尚書時征鎮之司恃勲奸令公獨露奏慝用較輿轉

吏部淮南既清軍有餘逸夷難江南萬里康哉六歲在鎮

心馳王幄戀慕之極至於涕漉一作流獻章請朝帝恩降允

公不候一作俟駕建旆將馳耆耄泣訴吏人遮道即日詣闕

乞番者三百餘人公申諭而行至于京師天子大悅曰趙

國公先帝元臣嘗爲朕師自我不見于今六年有司如朕

意待之加尚書左僕射遂淮南之請所部八州人舞手蹈
足秘書省少監兼廬州刺史長樂賈深有文有武忠于王
室推心馭下嘉績升聞戴公仁明思揚盛德合肥令彭城
劉商先後之族臨人惠和老幼一作臨人惠和咸曰我州
我邑敷王德澤崔公封內我是以安其仁不銘其德不可
謂賢華嘗忝公遊咨以為頌夫五岳視三公四瀆視諸侯
入掌三公之政出踐諸侯之長昔鄭武公為卿士詩人賦
緇衣魯僖公為周賢侯史克頌垆一作野敢附其風
以書公不朽故褒大臣則王室尊崇美政則王命行不唯
頌公尊天王也今載公朝覲之禮以弘大之其文曰
思崔公出鎮之崇克忠克孝宣帝之武侯帝之功自蜀自

朔至于秦宮出納大命決事于中

一作

思崔公烈烈郁郁

以邕以肅乃統淮服洎江之澳

一作

闐闐長轂霞旆霜鏃

蠶爾兇毒罔不顛覆思崔公三世元臣德綏生人乃朝于

王王顧殊倫且曰東南欽化如春為朕腹心寧其未呻一作

吟思崔公入覲于王鑾

一作

聲央央珮玉以鏘一作秉珪

奉璋公復于揚四牡其驥公慕彤庭涕濡于裳思崔公廬
江州邑孰不垂泣我公之還陽和起蟄乃求樂石樂石爰
立刊之頌之介福攸集州人斯及

魏博節度使田弘正碑

元稹

陛下以元年正月壬戌詔臣稹曰朕有臣弘正自魏入鎮
魏人思之因守臣懇狀其德政乞文於碑集無此爾司予

言其文以付臣拜稽首退而奏書於陛下曰始安祿山以
玄宗四十三年盜幽州兵劫擊郡縣偷關據京天下掉撓

肅宗征之海內甫定而夾河五十餘州或伏集作或叛更

立迭奪廢置征伐覲見集作賦入之宜皆自為意五紀四

宗容受隱忍田承嗣始有魏博相衛貝澶之地承嗣卒以

其地傳兄子悅悅傳緒緒傳季安既而季安悍誕淫驕風

勃蠱蠹發時集作喜殺左右漸及於骨肉往往顧妻子已

安用此由是內外惴悸妻元氏因人不忍移置他所餘二

月乃卒是歲先皇帝元和之七年八月也季安子懷諫始

十餘歲衆襲故態名之為副大使而家臣將士則逆虐用

事士衆不分伏日夜相告曰田中丞興博大孝敬於軍謹

燕讀儒家書好言君臣事儻可依倚為將帥乎聞者皆

躍集作躍一朝牙旗下衆來捧附興仆地不肯起衆亦不肯

去乃大言曰爾輩即欲用吾語能不殺副大使且使吾取

天子恩澤洗汝痕穢使千萬衆知君臣父子道從我乎皆

曰諾遂殺蔣士則等數十人以興知留後事移懷諫於外

明年歸之朝蓋七年之十月四日也乃圖六州之地域籍

其人與三軍之生齒自軍司馬已下至于郡邑吏人集作

廢置盡獻於先帝詔興以工部尚書長魏博相衛貝澶之

地仍勅司封郎中知制詔裴度使於興且以錢一百十萬

緡賜其軍曲赦管内百姓一年勿復事問者羸賑乏困褒

殛誅之不以法者魏之人皆喜曰歸天子乃如是耶興又

悉取魏之僭服異器人臣所不當爲者斥去之先帝曰興
吾六州之善心者田興也使興弘吾至正不亦可乎因名
曰弘正先是魏諸賓僮僕役也將卒無畏避弘正始求副
節度已下於朝至則迎送承奉雖一勲將莫不承者避謁
者趨付授咨度始用賓禮先是諸將之外有權者莫不拘
劫妻子以爲固四方之來聘問者莫不防礙出入以爲密
士吏工賈限其往來人多懼愁稀復會聚至是皆曠然矣
魏之人又相喜曰人之生不當如是耶滑以水害聞於朝
請移河於衛之十四里且役衛功三萬餘詔弘議之皆曰
壞吾他役吾人以利他邑古無有也弘正曰魏於滑信饒
此矣朝廷何異焉不特興工以教人讓魏俗丕變先帝多

以右僕射就加焉十三年又加司空以子布之會蔡
勞也是歲李師道燒河陰驚洛邑陰通元濟詔弘正誅之
明年破賊五萬於東阿進狀鄆之陽谷距其城四十里營
焉二月壬戌劉悟斬師道以其首歸於弘正正入鄆而十
二州之地平以功加司徒平章事復歸於魏其年八月朝
覲京師先帝待之有加焉乞留不獲詔加侍中以遣之又
明年陛下以成德喪師詔弘正入而初王武俊以戰朱滔
功得有趙地傳子孫凡三十九年至承宗爲盧從史李
師道所誑誤先皇帝仙而救之者再受畏感慝不克來覲
而聞陛下天覆海涵悉包悉受乃果自信將朝有時未行
會病將歿以志付其弟承元聽命於朝陛下語宰相曰弘

正在魏吾何患焉即日內出五詔詔弘正為中書令節度
德棣於鎮且詔父子皆為帥以大其威十一月甲寅成德
獻狀曰弘正至自魏人哭之鎮人歌之奉宣奏陳詔條
除去僭異猶魏政臣聞之德之至者有二政之大者
有三三政一日仁為惠政二曰法為善政三曰謙為和政
二德一曰忠為令德二曰孝為吉德今弘正獻魏博六州
之地平淄青四代之寇入鎮冀不測之泉可以為忠矣祖
考食宗廟父子分土疆兄弟羅軒冕可以為孝矣始初山
東鍵閉束縛誅而游之歌而舞之可以為仁矣始初逼越
廢怠而制之舉而用之可以為法矣始初山東傲狠侵取
地德以讓之功以助之可以為謙矣謙法仁孝資之以忠

不曰德政謂之何哉臣謂奉制以一百九十二字付

懇銘之石用申約束銘曰

帝命弘正予言是聽理亂有數其數

集作通

甚明亂則隱約

理由亂生既理復亂生於翫輕唐受天命既理

集作海內

既平

高祖太宗不荒不寧玄宗抑厄其否乃革四十二年奄有

丕宅始視燕寇胡鷄弄兒雖我寵重彼將胡為所細所忽

忽焉而罹四后垂顧山東不夷逮我聖父殷憂儉尅乘其

淫驕乃伐乃殛爾視群孽胡為而亡潛

集作借

久而大頑昏

暴狂爾亦自視胡為而昌畏茲逼側求思悠長曩爾之有

既克而有在克而守惟爾惟我而今而後爾雖寄崇無忘

辱詬我雖平寧無忘燕寇銘之戒之以永聲臭

文苑英華卷第八百七十

碑二十七

德政二

江西觀察使武陽公常公遺愛碑一首

徐襄州碑一首

江西觀察使武陽公常公遺愛碑

杜牧

皇帝召丞相延英便殿講議政事及於循吏且稱元和中興之盛言理人者誰居第一丞相墀言臣常守土江西目覩觀察使常丹有大功德被于八州歿四十年稚老歌思如丹尚存丞相敏中丞相植皆曰臣知丹之為理所至人愛所去人思江西之政熟於聽聞乃命守臣覈千衆上冊集有功狀大中三年正月二十日詔書授史臣尚書司勳公字

員外郎杜牧曰汝爲丹序而銘之以美大其事牧伏念天寶建中艱難之餘根於河北枝蔓於齊魯梁蔡闢爲章句書生以蜀叛錡爲宗室老以吳叛其他高下其目歧而欲飛者徃徃皆是憲宗皇帝高聽古議廣諫益聖任賢使能考校法度號令未出威先雷霆十有四年擒殛兇狠方行四海罔不率伏當時凡五徵兵解而復合僅八周歲天下晏然不告勞苦實以守土多循良吏而丹居第一周召伯理集作治唐人於陝西召穆公有武功於宣王時仲尼採其棠江漢之詩絃而歌之列于風雅班固序漢宣帝中興名臣言理人者亦首述黃霸龔遂次將相下今明詔刻丹理効令得與元和功臣中興得人之盛懸於無窮用古道

謹按常氏自漢丞相賢已降代有達官孝寬有大功於後周封鄆國公鄆公魯孫幼平爲岐州叅軍生抱貞爲梓州刺史生政爲漢州雒縣丞贈右諫議大夫雒縣生武陽公公字文明以明五經登科授校書郎咸陽尉以監察御史殿中侍御史佐張獻甫於邠寧府徵爲太子舍人遷起居郎檢校吏部員外侍御史河陽行軍司馬未行政駕部員外郎會新羅國以喪來告且稱立君拜司封郎中兼御史中丞章服金紫弔冊其嗣新羅再以喪告不果行政容州經略使築州城環十三里因悉城管內十三州教種茶麥多開屯田黃賊畏服詔加太中大夫貞元末拜河南少尹連拜檢校秘書監兼御史中丞鄭滑行軍司馬皆未至

拜右諫議大夫憲宗即位劉闢以蜀叛議者欲行貞元故事請釋不誅公再拜

集無此字

上疏曰今不誅闖則朝廷可以

指臂而使者唯兩京耳此後

集無此字

外而誰不為叛因拜劍

東南川節度使兼御史大夫時劉闖急攻梓州公至漢中表言攻急守堅不可易帥高崇文客軍遠聞無所資若與梓州綴其士心必能有功遂召拜晉慈隰三州觀察使不半歲元和二年二月拜洪州觀察使洪據章江上控百越為一都會屋居以茅竹為俗人火之餘烈日夕風竹戛自焚小至百家大至盪空霖必江溢燥必火作火水夾攻人無固志傾搖懈怠不為旬月生產計公始至任計口取俸除去冗事取公私錢教人陶瓦伐山取材堆疊億計人能

為屋取官材瓦免其半賦徐責其直自載酒食以勉其

初若艱勤日成月就不二周歲凡為瓦屋萬四千間樓四

千二百間縣市營廐名為棟宇無不創

集作

為 派湖入江節

以斗門以走暴漲闢閘廣衢南北七里盪滌汙壅築堤有

平五尺長十二里堤成明年江與堤平鑿六百陂塘灌田

一萬頃益勸桑苧機織廣狹俗所未習教勸成之凡三周

年就成生遂手為目覩無不如志公之為政去害興利機

決勢去如孫吳乘敵不可當向輔以經術仁撫智誘慈母

之心赤子之欲求必得之故人自盡力所指必就子產理

鄭未及三年國人尚謗黃霸理潁川前後八年始曰愈理

考二古人行事與公相次第不知如何元和伍年薨年五

十八其銘曰

章武皇帝披攘經營凡十四年五六徵兵人不告病肩於
太寧將相是矣豈無循良考第理行誰高武陽武陽所至
爲人父母於洪之功洞無前古洪始有居水火是苦二者
夾攻死無處所曰天使無集作所然不嗟不訴武陽始至材瓦
是聚公錢不足以俸爲助能爲居守貫貸付與月集作日載
酒餉如撫稚乳不督不程誘以美語未二周星創數萬堵
幾半重樓如詩翬羽錮以長堤繚四千步明年水平人始
歌舞災乂事鉅一日除去灌田萬頃益種桑苧俗所未有
罔不完具寂寥十年誰守茲土大中聖人元和是師圖讚
功勞武陽豈遺乃命史臣刻序碑詞寵假武陽爲人慰思

勸守吏勉於爲理

徐襄州碑

李隲

大中十年春今丞相東海公自蒲移鎮於襄四十年詔徵
赴闕今天子咸通五年公爲御史大夫自始去襄於茲六
年矣而襄之卒校民吏自七州之幼艾追思公之養育教
訓相與上言京師狀公之事績請於天子刻之碑石用昭
示于無窮于是天子嘉公之勤詔可其奏明年二月襄之
父老請詞於公之舊軍副吏一作史太常少卿弘文館學士
李隲曰凡紀公盛德不績文于碑石將傳乎百千萬年宜
用聞見詳熟者則得其實隲固淺陋今適當職而爲之非
以文用其敢於是承命退而叙之公名商子秋卿家世儒

門脩源長波流芳積潤自十五代祖諱欽十四代祖諱某
丙世繼爲中書侍郎十三代祖諱湛十一代祖諱孝嗣間
代繼爲大尉南朝之盛具在南史本傳生公七世祖諱文
遠隋朝爲國子祭酒皇朝爲國子博士儒學尊顯名冠國
史儒學篇高祖幸國學召博士講論春秋諸儒莫能對本
朝司刑卿追謚忠公諱有功即公五世祖也自中書至司
刑十葉服冕乘軒重榮疊慶光隆赫顯無與爲比司刑當
天后時累爲法官用法平恕常以潛德陰功論出枉陷力
排酷吏之勢盡忠竭節以保護皇室公能嗣之炳爲元臣
初公少時工學暇豫不爲嬉戲嘗以生民休戚爲己之任
凡所經涉郡國土俗四民之業必皆詢訪而究詳之於其

利病無所不通曉常曰使得一縣治當必爲良吏矣始
進士文宗五年春考登第陞朝爲御史會昌二年以文
學選入禁署宣宗以北邊將帥懦弱不武戎狄侵叛公時
爲尚書左丞詔以公往制置安撫之歸奏稱旨尋授河中
帥節又移襄陽公自初仕以至丞相華貫清級踐歷居多
而未嘗履趨競之迹含光蘊德容貌若虛人皆汲汲我獨
委順嘗任殿中侍御史丞入中書白事執政因問徐殿中
果何如人丞曰今之賢人也執政曰然禮部員外郎缺諸
公見言其所言者或再來詣某有三至者徐殿中亦在
薦中足未嘗及其門殆真賢人與予言是也卒以禮部與
公始爲內職不治民及受重藩使絕塞則用前所蘊蓄道

以寬恕爲本本於誠明吏民畏公之詳達而不敢欺戎虜感公之德惠皆願向服其來鎮襄陽也亦率是道故暮年而仁信敷再朞而刑政省三年而帑廩實四年而禮義興風教備問民之所病及願欲而不得者必盡去而皆行之所行之政存而不朽者有八今具襄民之狀庶得傳其顯實云其一曰漢南數郡常患江水爲災每至暑雨漂流則邑居危墊築土環郡大爲之防繞城堤四十三里非獨築溺是懼抑亦工役無時歲多艱憂人倦追集公乃詳究本末尋訪源流遂加高沙堤擁扼散流之地於是豁其穴口不使增脩合入蜀江渚成雲夢是則江漢終古不得與襄人爲患矣其二曰襄陽荆鄂十道之要路公私來往充給

繁是必率配行供假借辨賄求利歲月不堪公乃悉官儲創置釋器富供給費不擾齊人往來徒所憧憧邑人信皆不知矣其三曰軍人百姓窮困者多投狀陳論苦於從前債利蓋以數十邑公私債負不許停至于補累攤徵有加無減遂使家傳積欠戶率催足延及子孫例無放免飛走無路怨憤難伸官中曾無所收私室常被攪擾公乃縷悉上奏放免獲依債戶既除冤聲永息其四曰承前役納所由在田在城居側近者近百頃統謂之馬禾比每年配諸將官健出力營種率歲出功錢人不下六七百例入屯將所由官田元無所獲徒遺虛監將額添市耕牛破費甚多收獲無幾公乃廢却其他叛租與人每歲所收却耕

種之利租人皆獲利使將健未免工傭其五曰襄土疆闊
遠連接江山每至秋時常多寇盜張旗結黨夜出晝藏謂
之山柵擾害頗甚燒劫閭井驅率平人至于道途皆須警
備公乃選擇少壯官健三百人別造營各爲捕盜將常令
教習不雜抽差訓練無時以爲備禦每聞屬縣寇劫當時
據數抽行晨往夕歸夜發晨至皆是并賊捉獲更無子遺
頃挫賊心鄉閭遂泰因創造捕盜將營屋四百間分爲左
右中間開報點集列架置標別創一亭以爲教試之所奏
立將額門當通衢過客行旅莫不興嘆大中十一年諸郡
構亂起於湖南準詔徵兵同力剪滅漢南軍徵五百人數
日成功實自捕盜威強之力又江西叛將毛鶴構亂比諸

道最甚收復倍難成功當時韋宙僕射乘遞先至稟
詔令差兵助發遣所差五百人於數內全取捕盜將并差
捕盜都將韓季友惣領兵士小路進發仍先揀擇通引官
衙虞候史慶中與韋宙僕射爲元從押衙賚榜帖先至江
西安存百姓遂收劫亂兵器甲及韋僕射舟船至江州其
韓季友請捕盜將官健三百人開道分六路先去平明齊
到人皆不知機計既行遂半日內面縛賊將授首者一十
三人當日行刑傳首赴闕韋宙遂奏請且留捕盜將二百
人在江西并奏請權差韓季友爲都虞候二年之中重脩
置解署城市皆捕盜將功力其六曰荆南中路有蠻水驛
地當卑下泥淖常多暑雨之時不通車馬皆是結棧牽挽

以濟公私行人力出編氓妨害農業繚繞甚遠兩縣勞辛
遂徑捷就高別一路度宜造驛水無差徼之虞又近於當
路十二里其七日襄州兩稅每差綱官送納并有直進膠
臘其數甚多例屬新官豈免敗闕陪備差遣擾害頗深每
吏部注官多不敢受因訪問資綱大數可以資陪人遂請
度支陸運脚楸馱到京遣進奏院所由勾當輪納既免損
污疋帛又免上供失時襄州新官未無差役之弊其八曰
漢陰驛西舊有江亭一所迎候皆於此前後窄隘不便筵
宴所要鋪陳須至漢陰驛上廳內遂使前後厯豁難置門
牕重客居停全無牀幅結束非便寢止難安遂別構設廳
以備迎送長廊虛檻連接大廳恠石脩篁羅列其所江波
入戶盡舸臨軒信可謂勝遊之地也又重脩瑣闥改制
廳夏清冬溫憇息宜便別開過路繚繞江亭主客邀迎咸
遂得禮因命新亭曰漢廣亭桂江所謂不朽之制凡公之
爲民於除害興利若屈到之芟子反之飲文王昌之蒲菹
雖勞支體勤思慮含辛茹苦必行之未嘗一日而懈也故
制貧民侵刻之負罷疲卒奸濫之政公之仁也訓驍勇以
擒盜繕甲兵以備武公之義也具候館之器用豐饋勞之
餼牽公之禮也決高沙之壅徙蠻谿之傳公之智也免屬
官之網致及時之貢利必舉害必除公之信也夫揔五常
以在躬之謂德德及於民之謂政功之被于物也淺則其
澤易竭政之被于物也深則其久愈彰公之去襄六年矣

民始懷公之德政而追思詠歌之得不謂之被物久而逾彰公之德乎與夫在治而民之謂疑者異矣公前治蒲亦由是德突厥居特峨山者千二百人相率自外塞渡河歸附于公朝廷以虜衆持疑兩端未即信納公乃召其酋長以恩信諭之虜皆泣下釋兵解甲伏以聽命因請從齊魯之閒隙地以居之編籍爲耕民奏置備征軍千人日令督習無有他役凡盜有新發無不立赴者又教其軍積紙爲戰衣千五百領矢不能陷歲饑乏食民流徙不止於是告廩發稌豆粳麥賤出以救之完治城廨列樹表道用民之方疑作而厚其酬傭濟活以萬數逾朞乃罷有禽俱巢于屬邑之樹其一巢者爲鷲鳥所攫日暮群鷲哀鳴聞者異

之憫其孤遽往食之愛均已子轂長能飛而後去人咸以爲至德之感及禽鳥焉故公前之治蒲其仁澤被于物也既如彼今之治襄其德政及其物也又如此庸詎知異日蒲人之不有相率聞于天子而請公之德刻于金石以傳乎無窮哉亦將必有采者矣謹繼銘曰

公德之容弘深粹玄公仁之豐沉漬穰穰內愉外懌溥暢昭宣政以之和民以之安在昔羊公惟德之理有碑于峴寔表厥美烈烈顯德蹈之者誰曠祀六百惟公繼之繼之者何愛民若子苞寒鋪饑其急逾已日者大江滙至於民萬門之命將盪而覆是究是度惟公之規乃決巨壅大沴以移公之來朝民泣牽衣公進就路攀車從公專醜醜利

無歸于私公長御史朝綱以釐帝曰汝賢汝可承弼公遜
不答退惟讓卑帝心益加會襄人來請祀公德刻之于石
帝曰賢哉汝真吏師政苟不惠人誰汝思加乃懿績遂命
起之告示襄人謂爾咸宜帝德明聖爾言適時勿謂天高
其神可欺勿謂室暗而公不知善不善報惟其所施爾不
吾信視公之爲舊疑作民之生實公是營襄民之富實公
是覆漢波滔滔其注維東公思在人與彼無窮公澤惟川
公壽惟山是禱是祝期千萬年崇碑峩峩揭于峴巔民望
而思永貽後昆

文苑英華第八百七十

文苑英華卷第八百七十一

碑二十八

紀功二

贈太尉段秀實紀功碑一首

西平王李晟東渭橋紀功碑一首

幽州紀聖功碑一首

贈太尉段秀實紀功碑

并序

德宗

立人之道曰君與臣爲臣之義曰忠與節忠莫極於衛國
節莫大於忘身存其誠德貫乎天地致其功用施于社稷
獨斷勦兇慝之命沉謀安宇宙之危其智勇足以拯時其
義烈足以弘教非昊穹錫慶敷佑皇家重振紀綱再激汗
俗何遘屯之會而獲見斯人開府儀同三司檢校禮部尚

書兼司農卿上柱國張掖郡王段氏名秀實字成功應期
降生扶翼唐祚稟陰陽之粹氣備剛柔之全德體正明道
從時卷舒蓄爲淳和發爲功烈朕宅帝位之五載孟冬十
月賊臣朱泚反天悖人因時多虞乘我無備誘聚叛卒作
亂于京師朕深惟罪已之誠遠遵避狄之義駕自中禁律
于近垆賊陰謀爲奸陽言示順以公嘗任涇帥素得士心
採諸衆情引以自助公感時悲憤思定大業謂復國安人
由已不可以顧私謂開物變化在權不可以虛死畧匹夫
之褊介蘊曠代之宏規內貞其心外混其跡且控察元惡
情狀將因而圖之賊果不疑委以心腹一作邊發兇黨謀
襲我師公詭說以詞止之不可及疑作竊取官印假爲兵

神急追寇軍不遠而復銷禍紆難陰陽若神于時物情
疑忠邪莫判卒乘未輯軍旅未完微公之謀吾幾蔑濟既
而密結勇敢誓殲寇讐決策剋期中外發應會賊泚召公
計事引入閣中露其姦情言及僭竊公氣填膺臆植髮衝
冠仰天大呼玄鑒何昧孰爲臣子而忍是心語未絕音奮
笏前擊兇徒敗而旣曠而奔左右愕然初未敢動繼者不
至事遂無成逆徒交鋒因而遇害嗟乎天生萬物唯人最
靈稟元氣之精鍾五行之秀是宜守正居順移孝資忠君
君臣臣父子各履於達道同臻于太和天乎不融生
彼狂悖神乎不惠喪我忠貞靜言思之輟饋忘寐詳求其
理抑有以焉茲朕不明敗德招損故列聖垂祐儆戒于予

則泚之亂所以懲旣性勗將來禮教陵夷風訛俗弊故上

帝玄略一作略鑒聳動于人則段公之死所以勵當今傳不朽

也訪彼前史稽諸昔賢全大節者不必成功建大功者或

未立節非節不可以裨教非功不可以持危義實相湏事

難竝備吉甫以文武翼周室宣王中興絳侯以智謀安劉

氏文皇紹立茂功著矣而節未可稱董卓脇國以擅威伍

孚刺之而不畏王敦擁衆以稱亂周顛折之而無疑竒節

備矣而功竟不就至若屈伸合變進退知機智以遂其謀

勇以決其死功與時竝節與名偕中古已還無公傳比貞

烈之至通於神明桀鰲聞之而動心仇讐感之而不怨死

於義而義著忘其家而家全行路中悲儒夫增氣矧平之

慟其可弭忘且人之所愛者身也國之所重者位也公

殺身徇國朕得不以重位報之哉乃詔有司用贈太尉謚

曰忠烈賜實封五百戶莊宅各一所嗣子授三品正員官

諸子各授五品正員官表其閭里護其喪葬官立祠宇史

載忠勲哀榮之典備矣君臣之義極矣公始以天寶四載

奮筆從戎才為時生官由才達得司馬戰陣之法參將軍

帷幄之籌累典方州更踐臺寺出擁旄節入為卿士位歷

十七歲踰三紀封王列於異姓開府比於台司參職六官

食賦百室言不伐善慮常下人恒持順信之規罔居疑悔

之地利刃在手投節皆虛貞松有心老而彌勁吞大憝於

方寸之內定危疑於晷刻之間力可屈而志不可遷身可

殺而節不可奪所謂有始有卒為臣之極致者歟日月有期宅兆云畢身歿功在凜然如山勒銘傳芳終古不滅以志吾過且旌善人銘曰

浩浩上天四序唯均氣或埋鬱過一作為災氛否不可終

必復元亨洗以膏雨播之祥雲濟濟蒸人五常是則時或

迤難乃生兇慝亂必有定允歸皇極極以茂勳輔之明德

勲德克崇茲惟段公實天降靈寧保朕躬日月蔽虧宇宙

昏蒙罔然明誠獨誓深忠豺狼為群狎逞志咆哮奔突

乘我未備公飛尺符橫制醜類變化若神邦家不墜元惡

大憝誘姦作狂竊器僭名反易天常公獨挺身奮擊暴強

烈烈英武歿而彌彰義振名教功存社稷贈極上台賞延

真食省咎祗畏懷賢憫惻刻銘豐碑昭示萬國

西平王李晟東渭橋紀功碑

同前

天有柱以正其傾地有維以紂其絕皇王有輔佐以濟其

艱難非命曆所歸不得生良弼非君臣相合不能集大勲

非暴亂弘多不足表忠節非奸猾熾焰不克展雄才天與

事一作君肆會然後臣功著而王業興焉高祖太宗拓跡垂

統掃乾坤之珍一作氛拯生靈之塗炭其受命也正其布

澤也寬六宗丕承允廣前烈雖遇屯否化危成安二百年

間五夷大難由內以正宸極者再自外而復都邑者三山

岳降神雲龍叶契繼生賢哲保定邦家神龍中諸武擅權

甚疑作間王室則有若扶陽王彥範等推戴中宗紹復洪

業景龍末嬖帝窺國瀆紊乾綱則有若徐國公幽求等左
右玄宗掃除兇穢天寶之季盜起幽陵翠華南征潼關不
守廣德之際戎軼邠郊皇輿東巡鄴宮罷警則有若尚父
子儀等殄殪醜逆冊肅宗于岐攘却蕃夷翊代宗于陝建
中四祀寇發上京暴蔑人神僭稱名器則有若西平王晟
等剪滅大憝廓清中區惟茲數公異時同德道濟于社稷
勲書於鼎彝唐之得人於斯為盛東渭橋抵玉城東北四
十里而國之廩積在焉始晟於此駐孤軍糾群帥俟時而
動一舉成功予是用揚其美而紀其功以明事之有因謀
之有素也粵若菲德嗣膺大寶化垂柔遠明不燭幽淮右
賊臣提一作阻兵犯順憑陵汝服震壓洛師朕憫將吏之愛

汙哀烝黎之無訴罔思衛已姑矜靖人亟發禁師東征不
軌猶慮勝敵之未勇一作果乃徵涇師以繼之賊此畜姦覲
隙乘便餌誘貪卒扇結暴徒伺其不虞謀聚犯闕朕引咎
出次薄犯二畿封豕長蛇穴處宮廟磨牙噴毒噬螫害人
晟時總偏師遠戍河朔曾不俟召聞難駿奔鼓義勇仗順
之師吞敗亡稔惡之寇雄威勝勢疾若飈馳屬賊帥昏迷
恃衆貪亂誘我蠢賊連謀內逼朝廷載遷關河長擾豺狼
塞路羿澆爭驅人煙絕於井邑陰燐交於田野物情大駭
盪然靡依晟乃設會軍門哭而誓衆國讐不滅無以身為
遂發感激嗚咽流涕天地為之變色將帥為之動心軍中
較然知有逆順晟乃一作又度公積計私課程賞典定刑章

行令自身錄功先下由是勇者奮力智者効謀其氣增倍
其心如一屹立堅壁于渭之陽姦逆畏威而震懼忠義奮
氣而聳慕分二兇之勢不敢相附為諸鎮之援俾得自堅
晟之力也二月守暨乎夏五月晟知衆心可用乃揀日饗
士乙未陳師于東郊如虎唐如豹如熊如羆兇徒接戰累
合皆北倒戈棄甲罔敵我師乘而殪之摩壘而止戊戌方
旭連營進攻賊衆相驚股戰魄駭登陴而不敢拒闔門而
不敢窺晟仗鉞啓行執桴親鼓歛塞也隍塹排墻垣勝氣
兆於風雲威聲振於原野指顧摧靡盪無孑遺布朝旨以
寬脅從勵臣節以誅回惡乾軸傾而復紐皇維弛而更張
遷梟聲為好音變袂履為和氣然後閑戎律釐軍容不譁

一作

傲不譁有嚴有翼搜苑囿殄遺寇清宮門授彼有司

言于衆曰龔行天討將以遏亂畧去人害王師所至歌舞
從之其或矜勇恃勲作威肆掠是則以暴易暴夫何賴焉
懋功有恒賞造禁有常罰惟國之令典不得以贖論敢犯
令者殺之無捨爰擇便地引軍出屯馬無錯群士必成列
寇敵彌日都人莫知徐命有地之官同一作諭鄜里士庶
聞巨猾之殲殄而我師壺觴犒軍如恐不及者若赤子之
保慈母涸鱗之赴洪波或欣而呼或感而泣吾是以知烈
祖積德人懷其深賢臣佐時功濟斯美晟有興運之畧有
匪躬之誠有定亂之勲有禁暴之德俾予從乂垂拱仰成
乃冊拜司徒兼中書令加實封一千戶錄功第一序位居

首事業編乎史冊德輝流乎頌聲入為夔龍出作方召贊
賀一作贊徽烈中外具瞻而晟居高牧卑辭滿守約崇讓而
勳閎彌耀惡盈而福祿攸歸斯又明哲之規慎終如始者
也夫制敵在謀不在衆感人以義不以威當天地屯蒙邦
家離析援孤者踣黨勝者強群心囂囂靡所止戾若風動
中野波騰滄溟從而拯之豈易為力于時馬不滿百駟兵
不盈萬人無郡邑土田之資無城池險阻之固獨立不懼
氣吞群兇以盡忠誓心以必死勵已以大順率衆以至誠
動天衆心攸同天意允答故措軍散地而不可拔致討勅
寇而力有餘國危能安軍勝能整古所謂衛社稷者晟其
當之播揚休風篆刻貞石俾厥後嗣無忘乃功銘曰

赫矣我唐受天眷命祖功祖德浸澤儲慶窮海請吏遐荒
稟令寧一九服惠康萬姓三五以還莫之與盛迨予不類
辱守丕圖燭理匪時立誠未孚蠢爾孽臣扇茲潰徒震驚
朕師黷穢皇都宇宙沸騰人神睚眦重以統戎誘姦同貫
播還斯載歲聿云半天既悔禍人胥厭亂乃錫元臣夷兇
剪叛昏殺茫茫橫流湯湯挺然孤軍在渭之陽我城非完
恃順為防我旅非衆同心為強由義率人人皆嚮方萬事
如一爭先啓行拗憤求逞畜威斯張力足勢全時惟鷹揚
以戰則克以謀則臧指麾之間群醜潛亡鯨鯢既平宮室
既清軍伍無聲都人不驚成功禁暴自昔稀有寔天生德
彰于厥後洋洋令名茲為不朽

幽州紀聖功碑銘序

李德裕

幽州盧龍軍帥檢校尚書左集作僕射張公仲武往年脩

獻捷之禮今歲有銘勳之請二者君子韙之豈不以諸侯

有四夷之功獻其戎捷春秋舊典也宗周納肅慎之貢銘

於楛矢天子令德也斯可以為元侯表可以為後代法聖

上嘉其動而中禮乃命宰臣採其充集本文功傳於惇史

臣德裕敢颺言曰夫兵者所以除暴害也愛人則惡其為

害禁暴則惡其為亂雖睿智不殺化之以神至德名懷招

之以禮然書有猾夏之戒傳有脩刑之訓虞舜四征二本

乃成大功文王一怒以至無侮非德教之助歟仁聖文武

章天成功神德明道大孝皇帝庶我大二本典煥而二本

光明極象外之微臻於至道鼓天下之動致於中和履

鈞深退而藏密故能神幾獨照伐未兆之謀威光遠震制

不羈之虜當其時也烽燧迭驚二本羽書狎至人心大搖

群帥二本沮氣皇帝以軒后之威神漢高之大畧光武之

雄斷魏祖之機權合而用之以定王業此議臣之所以延

延字二本望於清光也倬哉天地應而品物生君臣應而

功業成故龍躍而雲從鶴鳴而子和方叔伐獫狁蠻荆來

威安遠擊車師西域震服宜有良將殿于朔邊張公禮閱

戰器書成傳癖張仲孝友子孺塞泉二本留落見漢書

荒不偶光景未耀明主雅聞奇志持印而拜將軍遙推赤

心築壇而命元帥拔自雄武授之薊門果能精誠奮發策

幽州紀聖功碑銘序 李德裕 幽州盧龍軍帥檢校尚書左僕射張公仲武往年脩獻捷之禮今歲有銘勳之請二者君子韙之豈不以諸侯有四夷之功獻其戎捷春秋舊典也宗周納肅慎之貢銘於楛矢天子令德也斯可以為元侯表可以為後代法聖上嘉其動而中禮乃命宰臣採其充功傳於惇史臣德裕敢颺言曰夫兵者所以除暴害也愛人則惡其為害禁暴則惡其為亂雖睿智不殺化之以神至德名懷招之以禮然書有猾夏之戒傳有脩刑之訓虞舜四征乃成大功文王一怒以至無侮非德教之助歟仁聖文武章天成功神德明道大孝皇帝庶我大典煥而光明極象外之微臻於至道鼓天下之動致於中和履鈞深退而藏密故能神幾獨照伐未兆之謀威光遠震制不羈之虜當其時也烽燧迭驚羽書狎至人心大搖群帥沮氣皇帝以軒后之威神漢高之大畧光武之雄斷魏祖之機權合而用之以定王業此議臣之所以延延望於清光也倬哉天地應而品物生君臣應而功業成故龍躍而雲從鶴鳴而子和方叔伐獫狁蠻荆來威安遠擊車師西域震服宜有良將殿于朔邊張公禮閱戰器書成傳癖張仲孝友子孺塞泉留落荒不偶光景未耀明主雅聞奇志持印而拜將軍遙推赤心築壇而命元帥拔自雄武授之薊門果能精誠奮發策

慮悞憶

一本作福臆

千里獻籌一心憂國則知龍顏善將任人

傑而不疑日角好謀歎敵國而強意回鶻者本北狄之裔

也或曰德化或曰山戎五帝所不能臣三王所不能制前

史載之詳矣暨薛延陀之敗也酋帥吐迷度率眾款塞太

宗幸靈武納降立迴鶻部落置瀚海都督因我封殖遂雄

北方代集作肅是宗之戡內難也葉護以射鵰之士親扈戎旌

亦由羞髮率師以翼周北貊梟騎以助漢既滅大憝乃疇

厥功

集作庸

特拜葉護司空歲賜絹

二本作二

萬疋厥後歸宗

女以配之立宮室以居之其在京師也淫

集作淫

祠雲構甲

第棊布棟宇輪奐衣冠編素交利者風偃挾邪者景附其

羽疑作

侯貴種則被我文纒帶我金犀悅和音獸珍膳竭

靈上國百有餘年既而桀釐無親天命不祐僭侈極欲

道惡盈本國荐饑畜產耗半黠戛斯因利乘便遂焚龍庭

區

文粹

落蕭條陰燐青熒今之烏介可汗亡逃失國竊號

沙漠非我冊命自為假王其來也瀰漫陰山

二本

作睥睨高

闕玄塞之下氛霧蔽天質貴主以前驅依大國而求援或

丐我米糲救其饑人或邀我甲兵復其故地外雖柔服內

有桀心因行人置辭徵呼韓故事願居光祿塞急保受降

城其下有二部曰赤心宰相那頡啜特勒赤心者天性忿

鷲戎馬左盛初與名王盟沒斯首謀內附俄而負力怙氣

潛圖亂

集作厲

階為盟沒斯所給

文粹

誘以俱謁可汗戮於

帳下其眾大潰東逼漁陽上乃賜公璽書問

二本

以方畧

公以室常悍函二本之兵近我邊鄙俾其偵邏且禦內侵

尋以徵役不供為虜所敗由是介馬數萬連亘幽陵伏精

甲於松櫛布穹廬於磧鹵散若飛鳥止如長雲火燎于原

不可嚮邇公激義氣以虹貫發精誠而石開奇計兵權密

授髦雋乃命介弟仲至與裨將游奉寰王如清左敵萬李

君慶張自榮高守素李志操率銳兵三萬建旆而前介胃

雪照戈矛林植命以義殉壯由師直聲隆隆而未洩欲逐

逐而不食戢以聽命嚴而有威公曰險道傾仄且馳且射

胡兵所以無敵也致之平原勒以方陣我師可以逞志也

於是據于莽平環以武剛首尾虵伸左右翼張輕騎既合

奇鋒橫驚如摧枯株如搏畜兔攝讐者弗取陸梁者盡二本

作仆虜侯王集作貴人計以千數然後盡衆服聽悉數係

二本作纒谷靜山空靡有孑遺橐駝駃騠風澤而散旃墻屬

幕布野畢收馬牛幾至於谷量虜血殆同於川決徑路寶

刀祭天金人奇貨珍器不可殫論乃命從事李周瞳馳傳

上奏又命牙門將周從玘繼獻戎俘皇帝受而勞之群臣

畢賀昔長平七征驃騎六舉管憲令集作氐羗之衆陳湯

檻城郭之兵或生靈咸耗士馬物故文粹作或文粹無邀

功救罪矯命專征然猶告類上帝薦功清廟顧視二漢不

其慝歟以公威動蠻貊功在漏刻因命公為東面招撫回

鶻使先是奚契丹皆有虜使監護其國責以歲遺且為漢

謀自回鶻嘯聚靡不鷗張公命裨將石公緒等諭意兩部

戮回鶻八百人雖介子討罪於龜茲班超行誅於鄯善未

足儔也回鶻又遣宣闕二本將軍等四十七人詭辭結歡

潛伺邊隙公密賂其下盡得陰謀且欲馳入五原大蜀本作盡

毆雜虜公逗留其使緩彼師斯竟得人病馬瘠縮衄而退

挫銳解紛繫公善計今烏介自絕皇澤莫敢近邊并丁零

二本以圖安依康居而求活盡徙餘種屈意黑車寄託遠

遁流離饑凍黑車亦倚其威重迫脅諸戎造謀藉文粹作籍兵

解仇交質自謂約齎二本深入漢將取而未期渡漠二本

輕留王師往而非利公以壯猷遠御集作長計羈縻不媮

便嫖之使二本作避集作終盡致集作敵之術將時動而得

雋豈歲數而勝微矧乎明一杖集作將帥為爪牙視戎狄

為田二本作鼠 瓠方獵猛敵不翫細娛非周宣無以成召武

唐諱之勲非漢宣無以聽營平之計勗哉上將光我中興

公前後受降三萬人特勒二人可汗沛一人大二本無都

督外宰相四人其他裨二本王騎將不可備載王褒以日

逐歸德稱為人瑞班固以稽落盪寇大振天聲孰若天子

神武百蠻震疊集作乘其蹙國集作臨以兵鋒割卑干之

旗納休屠之附非萬里之伐無三年之勤魏乎成功輝焯

後代宜刻金石以揚鴻休銘曰

太和之初赤氣霄興開成之末大弗雲凝二本作彤 異鳥

南來胡滅之徵北夷颺掃厥國土崩逼迫遷徙震我邊鄙

長蛇去穴奔鯨失水上郡二本薊門近集作連千里魯不

畏天猶為驕子丐我邊穀邀我王師假我一城建彼幡旗

歸計強漢鄧支嫚辭狼顧朔野伏莽見羸鴈門之北羗戎

維處澌澌群羊茫茫大鹵縱其梟騎驚我牧圉暴若豺狼

疾如風雨皇赫斯怒羽檄徵兵謀如泉默斷乃霆二本雷聲

沉機變化動若神明沙漠之外二本虜無隱情漁陽突騎

燕歌壯氣赴赴元戎耽耽虎視金鼓誓衆干旄蔽地爰命

介文粹弟屬之大事翩翩飛將董我三軍稟兄之制代帥

之勤威掠二本火烈胡馬星分戈廻日日劔薄寒二本雲

天街之北旄頭已落絕轡之野蚩尤未縛俾我元侯恢弘

遠畧終取集作單于係之徽索陰山寢烽亭徽纜弓萬里

昆夷集作九譯而通蠻夷既同天子之功儒臣篆美刊石

無鴻

文苑英華卷八百七十一

文苑英華卷第八百七十二

碑二十九

紀功二

平淮西碑二首

平淮西碑

韓愈

天以唐克肖其德聖子神孫繼承

集作繼

於千萬年儆唐

書藩鎮

傳作敬戒不怠全付所覆四海九州罔有內外悉主悉臣

高祖太宗既除既治高宗中睿休養生息至于玄宗受報

收功極熾而豐物衆地大孽茅其間肅宗代宗德祖順考

以勤以容大慝適去稂莠不

集作已

媻相臣將臣文恬武嬉

習熟見聞以為當然睿聖文武皇帝既受群臣朝

集本唐書有乃

字考圖數貢曰嗚呼天既付予令

二本作天既全付予

有家今傳次

在予予不能事事其何以見乎二本郊廟群臣震懾走職

二本集作明年平澤潞遂定易定致魏博具衛澶相無不從志皇帝

曰不可究集注武予其少息九年蔡將死蔡人立其子元

濟以請不許遂燒武陽犯葉襄集有城以動東都放兵四

劫皇帝歷問于朝一二二本有臣皆曰蔡帥之不廷授於

二本今五十年傳三姓四將其樹本堅兵利卒頑不與他

等因撫而有順且無事大官臆決唱聲萬口和附并集注

為一談牢不可破皇帝曰維天維祖宗所以付任予者庶

其在此予何敢不力况一二臣同不為無助曰光顏汝為

陳許帥維是河東魏博邵陽三軍之在行者汝皆將之曰

重胤汝故有河陽懷今益以汝維是朔方義成陝益鳳

延慶二字唐書作七軍之在行者汝皆將之曰弘汝以卒

萬二千屬而子公武集集本無往討之曰文通汝守壽維

是宣武淮南宣歙浙西四軍二字唐書作之行于壽者汝

皆將之曰道古汝其觀察鄂岳曰愬汝帥唐鄧隨各以其

兵進戰曰度汝長御史其往視師曰度惟汝集注有予同

汝遂相予以賞罰用命不用命曰弘汝其以節集注有都

統討唐書軍口守謙汝出入左右惟汝二本近臣其往

撫師曰度汝其往飲食二字唐書作予士無寒無饑

以既厥事遂生蔡人賜汝節斧通入御帶衛率二本三百

九茲廷臣汝擇自從惟其賢能無憚大吏庚申予其臨門

送汝曰御史子閔士大夫戰甚苦自今以往非郊廟祠祀

其無用樂顏胤武合攻其北大戰十六得柵城縣二十三

降人卒四萬道古攻其東南八戰降集有卒字萬三千再入申

破其外城文通戰其東十餘遇降萬二千愬入其西得賊

將輒釋不殺用其策戰皆二本有功十二年八月丞相度

至師都統弘責戰益急顏胤武集有合字戰益用命元濟盡并

其衆廻二本作河曲以備十月壬申愬用所得賊將自文城因

天大雪走走字二本疾馳 百二十里用夜半到蔡破其門取元

濟以獻盡得其屬人卒辛巳丞相度入蔡以皇帝命赦其

人淮西平大饗賚功師還之日因以其食賜蔡人九蔡卒

三萬五千其不樂為兵願二本有歸字為農者十九悉縱之

元濟集有於字京師冊功弘加侍中愬為右僕射帥山南東道

顏胤皆加司空公武以散騎常侍帥鄜坊丹延道古進大

夫文通加散騎常侍丞相度朝京師道唐書作進封晉國公進

階金紫光祿大夫以舊官相而以其副總為工部尚書領

蔡任既還奏群臣請紀聖功被之金石皇帝以命臣愈臣

愈再拜稽首而獻文曰

唐承天命遂臣萬拜二本作方孰居近土襲盜以狂往在玄宗

崇極而北河北悍驕河南附起四聖不宥屢與師征有不

能尅益戍以兵夫耕不食婦織不裳輸之以車為卒賜糧

外多失朝曠不岳符百隸怠官事亡其舊帝時繼位顧瞻

咨嗟惟汝文武孰恤予家既斬蜀吳旋取山東魏將首義

六州降從淮蔡不順自以為強提兵叫謹欲事故常始集

乃命討之遂連奸鄰陰遣刺客來賊相臣方戰未利內驚

京師群公集作上言莫若惠來帝為不聞與臣為謀及集

乃相同德以訖天誅乃勅顏胤愬武古通咸統於弘各走

爾二本作功三方分攻五萬其師大軍唐書北乘厥數倍

之嘗集作兵特曲軍士蠢蠢既剪凌雲蔡卒大窘勝集作

注作之邵陵郾城來降自夏入秋復集作屯相望兵頓不

礪二本告功不時帝哀征夫命相往釐士飽而歌馬騰於

槽試之新城賊遇敗逃盡抽其有聚以防我西師躍入道

無留者額額蔡城其疆千里既入而有莫不順俟帝有恩

言相度來宣誅止其魁釋其唐書下人蔡之卒夫投甲呼

舞蔡之婦女迎門笑語蔡人告饑船粟往哺蔡人告寒

賜二本以集作繒布始時蔡人禁不往來今相從戲里門夜開

始時蔡人進戰退戮今眠蜀本而起左殮集作右粥為之

擇人以牧餘憊選吏賜牛教而不稅蔡人有言始迷不知

今乃大覺羞前之為蔡人有言天子明聖不順族誅順保

性命汝不吾信視此蔡方孰為不順往斧其吭凡叛有數

聲勢相倚吾強不支汝弱奚恃其告而長及汝父兄二本

父而奔走來偕集作同我太平淮蔡為亂天子伐之既伐

而饑天子活之始議伐蔡卿士莫隨既伐四年大小並疑

不赦不疑由天子明凡此蔡功惟斷乃成既定淮蔡四夷

畢來遂開明堂坐以治之

同前

段文昌

夫五兵之設本以助文德而成教化故聖人不專任之其
有桀鰲暴邪干紀作孽道德不服則兵以威之文誥一作
不論則兵以靜之在禁暴除害而已自黃帝堯舜不無能
誅至湯武受命武功寔盛其本之以仁義行之以吊伐惟
帝與王率由茲道於戲創業之君勞而後定守文之主安
而忘戰故三代之衰功在五伯未有中葉之後再安生靈
前古所無歸于聖代我唐運之興也高祖太宗以仁義之
兵除暴隋之亂戎功祖武百代丕承玄宗嘗亦內剪奸邪
外清夷狄所以繼文之代協帝之明既而禍起於微亂生
於理由是隴驪之衆結固於兩河斤斧不用綿歷于五紀

肅宗代宗

二字無此

親剪大憝且務生育德宗順宗觀于天

象察於人事以理運未至沴氣猶凝運啓昇平以俟後聖
惟我后握樞出震端宸嚮明考上玄之心思祖宗之意掃
滌區宇光啓帝圖不以萬乘爲尊四海爲富遵大禹櫛風
之志有光武一夜之勤以爲景擒七國而漢民安成剪三
監而周化洽焉有患難未去而德教可興日者李一作琳
恃近狄之固劉闢憑坤維之險李錡保長江之衝從史資
太行之阻四兇相一作繼爲亂常三數年間盡膏鉄鑕
舉宗向闕義風所激莫不歸心况彭城從折簡之召一作
橫海展執珪之覲向之談虞虢之存亡議輔車之形勢莫

不剗心斷臂繼踵為忠既而麟見於巴賓之間河清於鄘

衛之際固本根一作固之貺昭聖祚之符廓清寰海兆於

此矣而長淮右地連山四起控接一作扼吳楚密邇輳轅有

上帝濯龍之池同冀方多馬之國戈鋌雪照駟駿雲屯二

姓三兇憑阻作孽歲在甲午吳少誠積禍而斃餘殃聚於

逆嗣氛祲淮濱我后方吊人省寬墾災除穢猶命使者持

節往申寵賻以昭柔服之義示含弘之仁元濟劫眾拒境

滔天肆逆剽葉縣燒舞陽侵襄城伊洛之間騷然震恐乃

詢廷議咸願假以墨經授以兵符天子泉一作淵默以思

霆馳以斷獨發宸慮不詢眾謀漢宣從屯田之議晉武決

平吳之計至聖不惑群疑自消於是會鳧藻之師得鷹揚

之帥以忠武二字一作中軍帥李光顏往者平朔邊靜庸蜀雙

矛電激孤劔騃馳亦猶馮異之總軍鋒于顏之將突騎才

氣雄武可掃攬捨總魏博河陽邵陽九三軍自臨顏而前

以河陽軍帥烏重胤當從史內誅一作誅邪謀外阻兵勢精

誠奮發密一作獨應王師故得虜魏豹於軍中縛呂布於麾

下識慮中正可革臬音益以汝海之地總朔方義成陝虢

劔南西川鳳翔延州寧慶九七軍由襄陽而進宣武帥韓

弘請以子公武領精卒一萬二一作三千時集洄曲樂書作

帥鉞為戎右克國討虜印統支軍是能從帥之命成父之

志又以壽春守李文通夙精戎韜累習軍旅明於守備可

保金湯總宣武淮南宣歙浙西徐泗九五軍阨固始之險

以鄂岳都團練使李道古以先曹王臯有任城之武昔征
兗渠嘗取安陸授以戎柄嗣其家聲乘五關之隘以唐鄧
隨帥李愬溫敏能斷靜深有謀昔趙孟慕成季之勲復能
霸晉亞夫紹絳侯之武亦克擒吳想其英徽必有以似一作
嗣山南東道荆南九兩軍自文成而東乃命御史中丞裴
度布挾纘之恩奉如絲之命以諭群帥以撫輿師且以古
之會兵必謀元帥令歸於一勢不欲分命宣武軍帥韓弘
為諸道行營都統假陸遜之鉞拜韓信之壇指縱一作畫
竒正之機發號申嚴疑之令然後有司馬之法成一無節
制之師而寒暑再罹賊巢未下又命內掌樞密之臣梁守
謙肅將天威盡護諸將懸白日於千里推赤心於萬人由

是甘寧奮升城之勇君文勵擊鄆

堰一作非

之志焚上蔡以

其翼拔郟城以厄其吭以軒后攻蚩尤之城

一作亂

殷宗伐

鬼方之罪周公誅淮夷之叛雖以聖討逆皆三年後定百

辟之義且謂久勞將決其機以安海內復命丞相裴度擁

一作持

淮蔡之節撫將帥之臣分鄧禹之麾旆盛寶憲之幕

府四牡業業于藩于宣先是光顏重胤公武戎旅同心壘

垣齊列常

一作長非

蛇之勢首尾相從胡騎之雄紛紜縱擊逐

餘孽如鳥雀獵殘寇似狐狸干矛如林

二字一作杖

行次于洹

曲丞相之來也群帥之志氣逾厲統制之號令益明勢如

雷霆功在漏刻賊乃悉其精騎以備洹曲之師唐隨帥李

愬新總傷痍之軍稍勵奔北之氣城孤援絕地逼勢危而

能養貔虎唐諱之威未嘗矍視屈鷲鳥之勢不使露形是以

收文成柵而降吳秀琳下興橋而擒李祐果敢多畧衆以

留之或謂蓄患不利吾軍懇誠明在躬秉信不撓爰命釋

縛授之親兵祐感慨之心出於九一作萬死縱橫之計果効

六竒粵十月既望陰凝雪飛天地盡閉懇乃遣其將史旻

仇良輔留鎮文城備其侵軼命李祐領突騎三千以為鄉

導自領中權一作軍三千與監軍使李誠義繼進又遣其將

田進城領馬步三千以殿其後雲郊一作郊雲晦冥寒可墮指

一夕卷旆凌晨斬一作破關鋪敦淮濱仍執醜虜雖魏軍得

田疇為導潛出盧龍鄧艾得田章先登長驅綿竹用竒制

勝與古為傳四紀逋誅一朝蕩定攄宗廟之宿憤致黎庶

之大一作人安周漢以還莫斯為盛帝命策勲進弘為侍中

光顏重胤竝為司空懇為左僕射帥山南東道公武加散

騎常侍節制鄜坊用廷道古進御史大夫文通加散騎常

侍王師獲金爵之賞環境蒙優復之恩掩骼埋胔除瑕宥

罪躋群生於壽域還比戶於可封東西南北無思不服丞

相旋請來朝後加金紫光祿大夫封晉國公乃眷淮濱蒸

人生殖俾擇循吏撫其疾傷以宣慰副使刑部侍郎馬總

領淮蔡之任天子議功雲臺追美將帥俾刻金石以揚休

勲而百辟僉謀群帥克讓推義士之志敢貪天功徵賢臣

之言實在君德於是縉紳之士暨侯服之臣上獻鴻名式

昭徽用然後光輝千古聲名百蠻詔命掌文之臣文昌勒

銘淮浦庶乎閱周雅者美宣王之中興觀紉銘者戒蜀川
之恃險銘曰

天有肅殺萬物以成雷風爲令霜雪爲刑君有武節四海
以寧陳之原野阻以甲兵在昔聖王格寧邦國武以禁暴
刑以助德牧除害馬農去蝨賊苟非戎功孰靜群慝明明
我后神筭精微九重獨運千里不違宵衣旰食再安中寓
始剪朔漠旋梟蜀虜丹徒縱漚白門縛布服茲四罪豈勞
一旅淮夷怙亂四十餘年長蛇未剪環境一作騷然逮于
孽章逆志滔天懷柔匪及告諭罔悛帝念生人乃申薄伐
飛將鷹揚前鋒電發齋壇命信靈旗指越我武惟揚袂氛
一作妖氣未滅集于洄曲決戰摧兇豹備一作臨晉維留沓中

植桓襄帥奇謀成功

一作應變無窮

浮嬰暗渡束馬潛攻合以

圍絕其飛走布穴弋

一作德

妖升城獲醜商不易

一作肆

安其畝洄曲殘兵投戈束手帝嘉群帥賞不踰時畫社啓
封珪組陸離泊于蠻貊服我英威刻之金石作戒淮夷

一作皆唐文粹

文苑英華卷第八百七十三

碑三十

隱居

隱居貞白先生陶君碑一首

梓州射洪縣武東山陳居士碑一首

孝善

唐善人墓碑一首

高愍女碑一首

隱居

隱居貞白先生陶君碑

蕭綸

夫夜光結綠非肱篋之恒珍逸羽翔鱗豈園池之近玩寧期心於遠大蓋不知其所以然也是以潁陽高蹈洗耳於唐朝漢陰貞栖臧迹於周代盛德風流有自來矣應期而

唯質者其在茲乎先生名弘景字通明本冀州平陽人也其先自帝堯陶唐氏之後胤堯治冀州平陽故因居止龍馬見五色之符欽明表八彩之瑞光宅於天下允釐於庶職洪源曼遠系緒綿長漢興陶舍爲高祖右司馬子青翟位至丞相後至漢末南渡始居丹陽七世祖濬仕吳爲鎮南將軍荊州刺史祖降宋南中郎叅軍事父貞寶司徒建安王國侍郎竝立履清約博涉文史先生含元精之和氣蓄陵颺之雅姿兼宣七善總脩九德行仁蹈義嶽峙淵渟牆仞無以覩清濁不能測道風與星漢同高勝氣與煙霞共遠六歲便解書能屬文七歲讀孝經毛詩論語數萬言曼倩幼習典墳公幹少誦詩賦方之於古彼有多慙是以

以流聲黃中著稱有鄉人得葛洪神仙傳見淮南八八諸仙事乃嘆曰讀此書便使人有凌雲之氣於是寢興誦晨夜不輟年二十七爲宜都王侍讀總知管記事勝道求賢焚林招士朝難其選是日得人玩瑀之書記不足扶衡孫楚之才辭何以捧轂齊代好治宮室方脩苑囿青溪舊觀更就起築仍奏表上頌辭事兼美邁彼樂職之篇踰乎景福之製帝省覽久之益以爲善除奉朝請恪居官次夙夜惟寅春朝秋請是極樸者也先生本不希榮常欲辭退乃與親友書曰疇昔之意不願處人間年登四十志畢山藪今三十六矣時不我借知幾其神乎無爲自苦明年遂拜表解職抽簪東都之外解組北山之陽同稷丘之栖

直慕留侯之却粒便具舟楫永言東邁朝廷錫問時賢錢
別祖以二疎招茲四皓超然輕舉異世同符爾乃杖策孤
征游踐山嶽既而到于句容登於茅嶺以此地神仙之宮
府靈異之栖託往不能返遂卜居焉先生曰夫子云隱居
以求其志行義以達其道吾聞其語未見其人我今義通
無復其一請同求志之業故自稱隱居亦猶稚川之抱朴
士安之玄晏倚巖栖隱依林遁跡交柯結宇剗徑為門懸
崖對溜悲吟灌水深壑絕藝文類聚作危峭組織煙霞枕石漱流
水禽無撓採藥耦耕野獸不亂逍遙閒曠放浪陵山一作丘
嗒然若喪確乎難拔屬齊末道消天命既否水闢穀洛地
震由辰先生靜思冥數預識微兆於是近遠書問悉皆

總昔乃聞之夏甫今則見之先生我大梁休運應期

明命三辰開朗四海寧誼先生奉表稱慶於是信問復通
天監以來常有勅旨供給藥餌不乏歲時渥澤湛恩莫之
與比先生七年暫游南嶽茲山也譬閩風之地軸若崑陵
之天鎮八桂傍臨九純間設衛有琅玕草生車騎遺世獨
往是用忘歸一十年有勅遣左右司徒惠明徵還先王茅
山別給解宇軒后之降精一作情天老漢帝之致禮河宗况
於茲日弗能尚也養志山阿多歷年所攝生既善冥祥亦
降猛獸不據魑魅莫逢庭無荆棘遠同闕里階吐神泉逕
動於是羽人徘徊仙客上下鸞鳳游集芝英豐潤大
造佛像爰及寫經起塔招僧備諸供養自誓道場受菩薩

法夢登七地又得嘉名具以啓聞蒙勅許可葛玄之夢見
開士朱鸞之遠望尊儀何以擬茲通感足此徵應以大同

三年歲次景計其時當作丙辰三月壬寅朔日癸丑告別

年化春秋八十有一天子嗟惜儲皇軫悼有詔稱譽追贈

中散大夫謚曰貞白先生禮也以其月十四日窆于丹陽

郡句容縣雷平山若軒轅之墓衣冠如王喬之藏劔鳥化

於茲日可得偶一作馬先生器宇凝深思識精贍含章貞

吉不脩庶隅年將中壽匪踰於矩眉目疏朗儀貌鮮潔實

亡勸沮多行德惠恡惜光景愛好墳籍篤志勵節白首彌

至若乃淮南鴻寶之訣隴西地動之儀太一遁甲之書九

章歷象之術幼女銀鈎之敏允南風角之妙太倉素問之

方中散琴操之法咸悉搜求莫不精詣爰及卞射荷其

卜管筮一見便曉皆不用心張華之博物馬鈞之巧思劉

向之知微葛洪之養性兼此數賢一人而已門人恒法闔

等慕遙風於緱氏繪遺像於橋陽勒玄碑而相質騰絳霄

之流芳乃為銘曰

留鳥表化葉劔疑神徘徊紫氣照耀丹鱗厥跡猶在餘風

可遵誰其嗣此淵哉淑人高行邁種盛德日新朗猶懸鏡

鬱似貞筠身以弘道行不違仁昔游纓綬頡頏縉紳厥乎

匡救勞彼問津亦既解組乃襲山中遠尋丘壑高蹈風塵

情無緬世隱不隔真結宇依巖貞棲茂草水玉留年華精

却老乃有令問兼斯壽考泉過危庭峯臨窈洞露凝蘭階

雲生桂棟日斜欄席花落窓窺甕尚平未反王孫不旋海桑
交易陵谷貿遷豐碑有樹遺烈無騫

梓州射洪縣武東山陳居士

集作故居
士陳君碑

陳子昂

君諱嗣字弘嗣其先陳國人也漢末淪喪八代祖祉自汝
南仕蜀為尚書令其後蜀為晉所滅子孫避晉不仕居涪
南武東山與唐胡白趙五姓里立新城郡剖制二縣而四
姓宗之世為郡長蕭齊之末有太平者兄弟三人為郡豪
傑梁武帝受禪網羅英豪拜太平為新城郡守尋加本州
別駕弟太樂太濠為黎州長史督護二字集作
都督護南梁二郡
太守樂為本郡文粹司馬即君之高祖父也生曾祖方慶

好道不樂為仕得墨子五行秘書集有字隱于武當山生烈

祖湯仕郡為主簿遇梁季喪亂避世不仕生皇考廣文粹

字廻廻早卒君即廻之第二子也少孤而有純德恭已飭

二本行一日三省家世本以清白崇德迨君之孤素業空

矣君有二兄養母以孝君克順至行同勤苦節夏不避暑

冬不避寒烝烝服事行年四十有五入則孝出則悌謹而

信汎愛衆而親仁無餘力也以是不優於道逮親終沒春

秋已高從仕二本不可養矣乃輟干祿之學脩養生之

道山壑高居農野末歲雅聞漢有王丹者放居不仕家累

千金以自奉田稼勤者載酒肴從之鄉里承化以相懲沮

乃歎曰彼王丹者足以集無為政矣奚其為為政也由是

始考林澤闢良田習山書務農政天道時變地道化成丘

陵泉文粹作淵藪星歲雲物靡不用心也文粹無也字原田苒苒粳

黍稷稷文粹作黍稷漢漢汶陽之稼如雲矣春日二本載華歲聿

其秋白露時降百穀收熟君嘗乘乎肩輿省農夫饋田畷

刑以肅惰悅以勞動若孫吳之用兵鷲鳥之搏擊也倬彼

碩文粹作甫田歲取十千倉廩實崇禮節恤惇寡賑窮乏九族

以親之鄉黨以歡之居十餘年家累千金矣其鄰里有媮

衣食帶刀劔推埋胠篋之類聞雞走狗之豪莫不靡下風

馴雅業文粹作素節集作雅素曰里有仁焉吾何從文粹有也字遂頓

浮窳之節肅恭儉之規脩孝悌飭二本庶耻將欲較君二

文粹作之素業也君時年已耳順素無經世之情林園遺

老玄默忘歲遂保先君武東山之故居行不由徑非公事

未嘗至於州縣也昔襄陽有龐德公谷口有鄭子真東海

王霸西山蜀才皆避集有世之二字人養德退耕集有以字求志軒冕

不可得而羈憂患不可得而累迫于我君作者五人矣於

戲古者至人不利苟得不務近貴量腹而食度身而衣非

其道萬鍾不足豐也匪二本其榮五鼎不足飪也躬勤耕

稼植其杖而芸不荅子路之問者其集無其字豈我君之徒歟

綿綿羅網冥冥高鴻趯趯竹竿穆穆幽龍其與禍敗之遼

絕胡楚集無此字越文粹作如胡越哉然則兩龔不免於蘭焚二老不

免於薇歎其近貴利耶夫上無憂悔下無饑寒合集作道

以制嗜慾達命以順生死仁以愛身智以養德俾爾耆而

艾俾爾昌而熾君子保之以永壽考非我君者文粹無乎

享年八十五歲壬辰五月十三日考終厥命臨終誠曰啓

余手啓余足我聞古人有言珠玉而瘞之是暴骸於中原

也古者不封不樹後代聖人易之以棺槨吾不敢違聖人

可具棺槨而已歛以常服墳無丘壠吾將庶幾以奉先人

之清業也有子某某等皆能祇奉遺訓聿從先志長壽二

年龍集癸巳某月朔某日亥月載踰卜兆時吉始啓殯昭

告奉遷於舊塋武東山之陽禮也鄉里會葬者千餘人皆

涕泣號慕悲純德之不見咸曰君子沒矣仁文粹何以名

陵壑集作不朽匪惟頌聲小子不敏謹文粹述鄉人之教

其辭曰

肅肅我祖國始於陳中裔淪喪泊集作此江濱山川隆

旂鼎氤二本氤氳挺生君子集作於鏘元真唯孝肅悌唯

仁善鄰樂我耕稼忘我縉紳芸芸二本田藪歲也其春

農事方作二本君子犒勤孰為夫子植杖而耘弋者

何慕集作鴻冥集作高雲楚狂懼世夷叔求仁良圖文粹

終矣不考于身我異於是非隱非淪撫化隨運安排屈伸

大二本年既沒長夜何辰聖達不免宇宙同塵桐棺三寸

豈我窶貧自古有禮文粹吾從聖人嗟爾百代子子孫

孫驕奢自咎天道無親思我松柏恭儉是遵

孝善

有唐善人墓碑

白居易

唐有善人曰李公公名建字杓直隴西人魏將軍申公發
公十五代祖也周柱國陽平公遠六代祖也綏州刺史明
高祖也太子中允進德魯祖也綿州昌明令珍王大父也
雅州別駕贈禮部尚書震考也贈博陵郡太君崔氏妣也
陳許節度使禮部尚書遜兄也渭源縣君房氏妻也容管
招討使濟外舅也長慶元年二月二十三日夜無疾即世
于長安脩行里第是歲五月二十五日歸附于鳳翔某縣
某鄉某原之先塋春秋五十八有二女五男曰訥朴恪慤
碩公官歷校書郎左拾遺詹府司直殿中侍御史比部兵
部吏部員外郎兵部吏部郎中京兆少尹澧州刺史太常
少卿禮部刑部侍郎贈工部尚書職歷容州招討判官翰

林學士鄜坊州集作防禦副使轉運判官知制誥知集無

部選事階中大夫勳上柱國爵隴西縣開國男有史官起

居即渤海郡集無高越集作作行狀有翰林學士中書舍

人河南元稹作墓誌有尚書主客郎中知制誥太原白居易

易作墓碑大署其碑曰善人墓善人者何公幼孤孝養太

君太君老疾常曰後子勸吾食吾輒飽勸吾藥吾意其疾

瘳後子公小字也及長居荊州石首縣環其居數百家凡

爭鬪稍稍就公決公隨而評之寢及鄉人不詣府縣皆相

率曰請問李君公養有餘力讀書屬文業成與兄遜起應

進士俱中第為校書時以文行聞故德宗皇帝擢居翰林

翰林時以視草不詭隨退官詹府詹府以貞恬自處不出

戶輒喻月郎帥路恕高之拜請為副在郎時有非類者至以病去為御史時上位有過集作其行事者作謬官詩以

諷為吏部郎中時調文學科暨吏課高者得無停年又省成勞文集無急成狀限繇是吏集作輩無緣為姦詭集作

今選部用其法知制誥特筆削間有以自是不屈者因請告改京兆少尹時與大尹議歲減府稅緡十三萬在禮時

不鞭人不名吏居歲餘人人自化在禮部時由文取士集作非不聽譽不信毀公為人質良寬大體與用綽然有餘裕

為政廉平易簡不求赫赫名與人交外淡中堅接士多可而有別稱賢薦能未嘗倦好義論而無口過遠邪謾而不

忤物其居家菲衣食厚賓客敬兄嫂禮妻子愛甥姪初光太君好善喜佛書不食肉公不忍違其志亦終身蔬食自

八九歲時始諷詩書日三百言諷畢盡得其義善治集作王氏易左氏春秋前後著文凡三百五十二首皆詣理撮

要詞無枝葉其卓然者有詹府司直北部員外郎廳記請雙日坐疏與梁肅書上宰相論選事狀秉筆者許之薨之

日不識者惜識者歎交遊者出涕執友者慟夫如是其善人乎傳曰善人國之紀也語曰善人吾不得而見之矣噫

善人之稱難乎哉獨加於公無愧焉銘曰古者墓有表表有云顯其行省其文故季札死仲尼表其

墓曰君子今吾喪李君署其碑曰善人嗚呼李君有知乎無知乎君之名與此石俱

高愍女碑

李翱

愍女姓高妹妹名也生七歲當建中二年父彥昭以濮陽

歸天子前此者有二字集質妹妹與其母兄者集作使彥

昭守濮陽及文粹彥昭以城歸妹妹與其母兄皆死其母

李氏也將死憐妹妹之幼無辜請獨免其死而以為婢于

官二字文皆許之妹妹不欲曰生而受辱不如死母兄集

且死皆不免何獨生為其母與兄將被刑咸拜於集作四

方妹妹獨曰我家為忠宗族誅夷四方神祇尚何知問其

父所在之方西嚮哭再拜遂就死明年太常謚之曰愍當

此之時天下之為父母者聞之莫不欲愍女之為集有子

也天下之為夫者聞之莫不欲愍女之為室家也天下之

為女與妻者聞之莫不欲愍女之行在其身也昔者曹娥

思夫自沉于江獄吏嗶因章女悲號思暗其兄作詩載馳

緹縈上書迺除肉刑彼四女或孝或智或仁或義噫此愍

女厥生七年天至集作其知四女不倫向遂推而布之于

集作天下其誰不從而化焉雖有逆子必改行雖有悍妻

必易心賞一女而天下勸亦王化之大端也異哉愍女之

行而不家聞戶知也貞元十三年翱在汴州彥昭時為穎

州刺史昌黎韓愈始為余言之一有余既悲而嘉之於是作

高愍女碑

文苑英華卷第八百七十四

碑三十一

遺愛

河西節度使杜公碑一首

義武軍節度使張公遺愛碑一首

高陵令劉君遺愛碑一首

河西節度使杜公碑

楊炎

周有召伯樹王風之始漢得留侯稱佐命之傑功赫於帝
典名鏤於河圖維唐之受命大殪戎於西周皇帝感黷武
之風思二南之化詢求卿士惠澤窮荒乃命兵部侍郎杜
公名鴻漸自河登車主盟西塞公英明博達淳粹先覺碩
德漢庭之老中興佐命之勛體合一氣精合五老伊昔皇

運中否河海風塵天子方偽遊北門之野公負霸王之畧
感社稷之危緬懷風雲以身許國隱括王道旁觀曆象謂
宇宙不可終閉兆庶不可無君龍吟空山雲起大澤追昌
言以排世難告天命以成帝業日月盡一作畫蝕載之高懸
鯨鯢躍波鬻而為醢史一作吏也秦疑作奏嚮天之樂儒也觀
嗣夏之書故登朝為夔龍纂戎為方召至於是邦也清其
心而妙其用厚其惠而感其和與物也氣之陽春含靈也
工之橐籥以為衢俗不足以勸賞故先悅以茂功貪人不
可以害群故問罪以去奸訛言不可以疑衆故畢詞以為
戮於是八藩以之匍匐三師以之投袂疑群盜以之出奔
巫人以之伏死古之作者不貴成功貴以德不憚濟世憚

先仁樂生下齊明道者謂其強孫武講軍事上者知其

西門禱河明刑者恨其暴子王佐楚治兵者慮其剛而公

形體兼才智周乎萬籟之變嚮合乎四會之中是神降歟

詩云愷悌君子民之父母其來也丘陵如無其去也風雨

可懷故吏兼侍御史唐朝英洎邑老其州長吏陳奉先等

以炎耳目馨香託之篆刻庶乎覩斯文者有襄南之慕頌

遺美者浮頌上之風銘曰

或或杜公蚪蟠于奧入美其華我覩其操王用暮晝大邦

以造三錫輅車纂戎之號威肅惠時明神所勞何彼塞翁

靡人仁報徘徊頌石末代作好

唐故義武軍節度使營田易定等州觀察處置使

開府儀同三司檢校司空同中書門下平章事符陽郡王贈太師貞武張公遺愛碑銘

并序

權德輿

維唐十二葉皇帝纂太統建六甲始初清明敷佑下土稽四征六服之理閱先正宗臣之籍流慶斯復遺風可懷繇是傳陵上谷列侯二千石元僚司武從事亞旅上其故府太師貞武公功德請銘于碑以示厥後乃詔小司徒臣德輿因地域之名物酌軍師之憲令舉而叙之云公諱孝字達忠其先燕人八代祖竒北齊右北平太守封右北平王齊季喪亂實開邊隙代有長技軼於外區曾王父靖乙失活部落節度使王父遜部落刺史父謚早襲先職來朝上

凍星環北極輸君長之贄幣鵬變南溟發邊關之導譯

開府儀同三司他日以公之勤累贈至戶部尚書公雄姿

正志沉毅英達傳兵符於百勝襲王爵於九代年未弱冠

入侍明庭才爲異倫射必命中以日碑之信愛受秦仲之

車服自他有耀至是來歸時玄宗御天下四十餘載習文

事而去武備人不知戰恬於已然幽陵首禍穀洛恇駭公

跡染汗俗心堅本朝豈求生以害仁將蹈難以明義史揭

繼亂猶居劫中質其所恃無路自奮問道旁午密陳嘉猷

俄而成德軍節度李寶臣錫姓撫封同信臣之任就義若

渴推心於公綜其都軍以壯支郡乃策崇勲累居大官凡

軍師之禁令攻守之竒正成德之重必咨於公隣帥倡廢

皇赫問罪公出自上谷覘于具丘寇徒六萬將犯中冀乘
轅外嚮方陣而前公以駟介千數颯馳急擊突入其阻夾
攻其堅敵人力屈昏夜引去遷御史中丞封符陽郡王尋
拜易州刺史加太子賓客以軍之輯睦移於郡以郡之班
制叶於軍文理武毅交脩四暢師貞人蘇爲列郡表儀初
公與寶臣感慨於少年之場周旋於多難之際迎導善氣
切勵良規若驟有斬如熱斯濯異時自代前定於公且曰
與師之心也勲力之冠也俄然寢疾瘖不能言猶以手指
北瞠然注目旣而惡子阻命陰交匪人因喪以干紀專地
而圖禍公驟諫不入飛章上陳請以州兵首遏亂畧優詔
拜工部尚書兼御史大夫恒州刺史成德軍節度使一人

注意四履專征糾合諸侯連收城縣敗之於東鹿走之於

常山以至斬首且無遺策轉兵部尚書易州刺史易定滄

等州節度觀察使錫軍號曰義武時三分恒陽之地錄功

有差而群帥多心或懷觖望太行而東疆場日駭且有從

約皆爲假王公居其腹心守正持重王立於磷緇之際雞

鳴於風雨之中靜柯勁草在我而已彼朱滔者以燕啗公

夸大煽結請張指斥公乃出和門以蒞衆援轍日以誓心

義利之間死生不惑且曰縣官之所以賦軍宿兵下尺一

之詔者在排難捍作患而已吾徒之所以乘堅驅良佩

丈二之組者在畢力致命而已碎首塗地吾無悔焉一心

事君四面受敵俄屬京師急變鑿輅時巡時太師西平王

以禁兵自魏來援于我於是與公決策赴行在所公素約以伯仲又申之婚姻分銳師選良將授以赴蹈使君顏行斷金之契匪石不轉定山東爲已任坐制群疑清轂下爲前籌行戡大憝赤誠相照血涕交頤西平繇是建大勲立大烈而公亦靜深以制動貞厲以伐謀使其徒集作從散約而無亡矢遺鏃之費者公之功也前此拜尚書左僕射至是同中書門下平章事貞元元年就加司空九受律行師十有一歲承寧諸侯咸黜不端動有節制人斯愛戴瞻助其供養賻補其禮喪拊循接禮勞徠安輯輔以正德而不怵於邪濟以守忠而不回於利章灼卓異有初有終其居涼國太夫人憂也手植松檟倚廬於墓感致瑞祉詔旌其

門終身之哀加人一等不遺故舊皆以器使職下多善吏庭中無留事雖古人之威懷無以過焉春秋六十二以七年三月感疾薨于位德宗皇帝不視朝三月冊贈太傅詔卹吏吊祠法贈有加其後累贈太師易曰貞武追封上谷郡王易之大有曰信以發志禮之中庸曰誠之不可揜惟公推本於是闇然而彰德宇弘大色容厲肅長才經武奇表出倫喬枝戛雲以直上雄劒發匣而耀穎始以天寶十載受詔即戎授范陽郡洪源府右果毅破九姓突厥改上黨郡漳源府折衝乾元初轉左領軍衛翊府左郎將實鎮飛狐之地寶應中拜左武衛大將軍加金印紫綬歷左金吾大將軍兼太僕卿殿中監以至于專席賓護剖符建牙

載居六官乃進左揆燮和鼎鼐平理水土真食大封異姓
而王積功伐以崇厚履信順而光大壯武之後遠繼公台
富平之門時推德器豈徒然哉嗣子今司徒同中書門下
平章事延德郡王茂昭以全才休績保大宣力戴翼天子
撫征諸侯常以工部尚書建旗博陵以刑部尚書循方伯
之職特詔所理郡爲大都督府經歷左僕射司空丞居代
官南北軍衛爪牙上將同氣分職寵冒一時侯王則銀黃
相映子弟乃金埒對起流光貽訓其信矣乎二十年延德
王以介圭四牡來朝京師德宗沃心嘉歎宴喜蕃錫如韓
侯申伯故事順宗繼明崇德報功及居台宰進掌邦教敦
諭還鎮涕洟就途今皇帝以道御天下燭明理本問歲

入覲爲守臣龜龍乞留京師以奉朝請堅若金石激以
肝服勤王家丕赫宸睠感念勲節顧懷義方直以鄭武公
桓公漢帝平父千古先懿鑠舉集公門二邦幼艾千夫長
百夫長沐浴風烈怵惕慕思是儀古式以求耀斯不朽之
事也拜君命之辱而傳信焉銘曰

天秉日星亦有風霆君用文德亦資武力太師矯矯生我
王國時或艱屯師惟壯直大蹇朋來其心不回好謀而成
義略乃開傳陵上谷地直栢木旣夷狡童則理長轂威謀
杭厲命賜渥綯回回盜泉嚙嚙喜王允我所履與之豐福
士皆賈餘人以仰足瑀戈衮章裕此一方追錫吊祠禮優
職喪司徒襲慶道叶仁聖三朝戴君皆受四命覲禮煌煌

嘉猷洋洋湛露彤弓威儀有光其棠蔽芾邵伯所憇緇衣
改爲鄭國之詩仍代洪集作烈邦人戴之末言寘懷乃刻
斯碑

高陵令劉君遺愛碑

劉禹錫

縣內之大夫鮮有遺愛在其去者蓋邑居多豪政出權道
非有卓然異績結于人心決于骨髓安能久而愈思大和
四年高陵人李仕集作清等六十三人思集作前令劉君

之德詣縣請金石刻之縣以狀申于府府以狀考于明法
吏吏上言謹按天寶詔書凡以政績將立碑者其具所紀
之文上尚書考功有司考其詞宜有紀者乃奏明年八月
庚午詔曰可令書其章明有以結人心者揭于道周云涇

水凍行注白渠醜而爲三以沃關中故秦人常得善歲
水部式決洩有時畎澮有度居上游者不得擁泉而顛其
腹每歲少尹一人行視之以誅不式兵興以還寢失根本
涇陽人果擁而顛之公取全流浸原爲畦私開四竇澤不
及下涇田獨肥他邑爲枯地方集作既移地征如初人或
赴訴泣迎尹馬而上涇之腹皆權倖家縈勢足以破理訴
者覆得罪繇是咋舌不敢言吞寃含忍家視孫子長慶三
年高陵令劉君勵精吏治視人之瘼如煙集作疽在身不
忘決去乃脩故事考式文暨前後詔條又以新意請更水
道入于我里請杜私竇使無棄流請遵田令使無越制別
白織集作悉列上便宜掾吏依違不決居三歲距寶曆元

年端士鄭覃為京兆秋九月始具以聞事下丞相御史御
史屬元谷實司察視持詔書詣渠上盡得利病還奏青規
中上以谷奉使有狀乃俾太常撰日京兆下其符司錄姚
康士曹掾李紹實成之縣主簿談孺直實董之冬十月百
眾雲奔憤與喜并口譏力集作手運不屑擊集注作磬鼓揆功什
七八而涇陽人以竒計賂術士上言白渠下高祖故墅在
焉子孫當恭敬不宜以畚鍤近阡陌上聞命京兆立止絕
君馳詣府控告具發其以賂致前事又謁丞相請以顙血
汙車茵丞相彭原公斂容謝曰明府真愛人陛下視元元
無所恡第未周知情偽耳即入言上前翌日果有詔許訖
役仲冬新渠成涉季冬二日新堰成駛流渾渾如脉宣氣

高荒漚冒迎和集作是斯釋集作計開塞分寸皆如詔條有

之期投鍤前定孺直告已事君率其寮躬勞徠之烝徒謹

呼奮襍襖而舞咸曰吞恨六十年明府雪之擿姦犯豪卒

就施為嗚呼成功之難也如是請名渠曰劉公而名堰曰

彭城按服引而東千七百步其廣四尋而深半之兩涯夾

植杞柳萬本下垂根以作固上生材以備用仍歲旱沴而

渠下田獨有秋渠成之明年涇陽三原二邑中又擁其衝

為七堰以析集作折水勢使下流不厚君詣京兆索言之府

命從事蘇特至水濱盡撤不當擁者繇是邑人享其長利

生子以劉名之君諱仁師字行輿彭城人武德名臣刑部

尚書德威之五代孫大曆中詩人商之猶子少好文學亦

以書

書字集作籌畫

干東諸侯遂參幕府歷尹勳縣皆以能事見

陟卒不時而遷既有績于高陵轉昭應令俄兼檢校水曹

外郎充渠堰副使且錫朱衣銀章計相愛其能表為檢校

屯田郎中兼侍御史幹池監

集作幹池鹽

干蒲錫紫衣金章歲

餘以課就加中

中字集作司勳正郎

執法理人為循吏理財為能臣

一出於清白故也先是高陵人蒙被惠風而惜其捨去發

于曾懷播為聲詩今采其旨而變其詞志于石文曰

噫涇水之逶迤溉我公兮及我私水無心兮人多僻錮上

游兮乾我澤時逢理兮官得材墨綬紫兮劉君來能愛人

兮恤其隱心既公兮言既盡縣中府兮府聞天積憤刷兮

沉疴痊劃新渠兮百畝流行龍蛇兮止膏油遵水式兮復

田制無荒區兮有良歲嗟石劉君兮去翱翔遺我福兮

勝紀成功兮鑄美石求信詞兮昭懿績

文苑英華卷第八百七十五

碑三十二

臺

攀龍臺碑一首

攀龍臺碑

李嶠

粵若太極始構氤氲含五氣之精元貽既分鼓舞立三才

之位由太朴而觀成象自流形而臻物備因乾坤之變化

相后辟之經綸則知肇創雲雷非一聖之事奄荒區夏由

浸昌一作崇之業是以岐鄴受命武王戢商野之戈譙亳開

基文后遷漢宮之鼎若乃提六合之樞紐扣二儀之鐳鑰

日月既出方利見於通三風雲未知一作和尚勞謙於初九

蓄宏圖於綠鶴用伊尹事之邸垂慶緒於斷鰲之運屈伸

應物而無累於時進退隨方而不違於道非聖人之睿智其孰能與於此乎大周無上孝明高帝諱某字某太原文水人也其先出自周平王少子有文在其手曰武因以姓氏居沛之竹邑晉尚書僕射開府儀同三司薛候陔其後也六代祖洽仕魏封於晉陽食菜文水子孫因家焉夫其受氏中古開階上業軒轅以青龍進駕配永循機少昊以玄鳥名官修方正度高辛之首戴干盾后棄之躬勤稼穡或四妃分孕隨肩執天下之圖或三聖連衡踵武司域中之契宗支繼明而襲嘉帝載重熙而累洽雖七百休祚暨遷於質文而九王尊名復光於曆數自非慶鍾長發神應遠期人鬼贊其謀猷乾坤扶其統緒豈能出入百代周旋

萬基至道淳風未昏而已且洪鑪大寶既舊而還新家

迎日之符門傳配天之業環三辰於斗極不足比其崇高

灌四瀆於滄溟未能傳其深遠若夫振氓育德屈道不王

寫奕於昭穆之間頡頏於公卿之位蓋詳諸博史可得而

畧高祖成皇帝宏才碩量經文緯武曾祖章敬皇帝達學

通儒金聲玉振大父昭安皇帝心冥道德志挾九區顯考

文穆皇帝理會幾神名高四海帝即文穆之第四子也母

文穆皇后嘗祈晉祠於水濱得文石一枚大如鸞郊上有

紫文成日月兩字異而吞之其夕夢日入寢門光耀蒲室

已而懷孕遂產帝焉及載誕之宵夢人稱唐叔虞者謂后

曰余受命于帝保護聖子驚寤而帝已生明日紫氣氛氲

覆冒其城一無此字上俄而化為五色髣髴若文綉之衣左右

親賓莫不駭異及長龍顏方面身長八尺背有黑字象北

斗之形昔者禱于郊禱拾郊而興王業游乎温洛吞珠而

立帝期疑譙宮誕而青氣發祥猗殿生而丹曦授彩亦有

御蘭感夢皇天之命伯儵剪葉開封上帝之名太叔咸躋

未然之兆竝獲將來之應猶不能比睽神貺埒美聖符况

乃龍顏武肩帝王世紀文有含良春秋元命苞文王之骨

法載鈴懷斗似高密禹之字也之容狀是故生而聖知幼

而聰達敏給於論天之始徇齊於對日之初甫及勝衣究

緹緗之頤疑作逮乎束髮殫鞶悅之巧淳深孝悌之性閭

發天機弘裕仁慈之風匪因師習太后嘗被重疾不愈

時帝扶持起君口嘗藥物僅喻蒼舒和象之歲未及子建

誦詩之年履不正絢衣不解帶及丁荼蓼號慕嘔血七日

無水漿之膳三年罷鹽酪之滋扶杖而行殆至毀滅雖孝

文之服勤累載高宗之諒陰三祀無以加也常有大節罕

營小方志立功名而不求苟得心重氣俠而動循常憲道

德深富規模弘遠曠心將江海齊逸宏量與宇宙同寬是

以單父通人識其殊異之表大梁奇士許以霸王之畧文

穆皇帝一作則哲之鑒恒易其難惟幾之神每前其用嘗

從容謂諸子曰吾家累仁千祀積德重葉餘慶所及宜在

子孫今觀汝曹悉王佐才也然草創經綸之際聖賢馳騫

之秋騰嘯而馭風雲叱咤而成功業其在士護耳以如天

之聖用知子之明隱括所在錙銖不繆豈如趙邦謀嗣唯
驗於藏寶楚國擇才更憑於埋壁及文穆之棄代也帝廬
于墓塋負土成墳手植松柏喪紀之節復如君穆后之哀
有芝草生于廬前群鳥一作雀數萬銜土集於墳上山中舊
多猛獸行奔艱阻至是皆逃竄絕迹時人以為純孝之感
焉隋高祖雅聞帝名屢加辟召友人同郡叔孫賀傳通之
士也陰陽術數無所不該謂帝曰公狀貌非常但玉埋未
發耳終居人上勿為事先帝亦知隋統將終乃稱疾不應
漢王諒以戚藩之重作牧太原乃親率官僚造門致禮深
加敦諭逼令進發帝不得已起應明啟至仁壽宮屬情文
帝寢疾有勅館于內史省以須後命帝高名宿望傾動當

朝承風仰流揖拜無地衣冠如宗海之赴士庶均在田
觀司空觀王雄左僕射楊系吏部尚書牛弘兵部尚書柳
述咸與抗禮延登首席中郎之下迎王漿計吏之長揖相
逢千載風流復存斯舉帝風儀偉麗占對詳明朝端改容
左右屬目雄等素欽才辯欲探閫奧爭出異同互興名理
而洪鍾有虛受之量明鏡體不疲之德詞同炙輶應若扣
機立定雌黃既堪羸疑后前膝坐離堅白足使田巴杜口
觀王既特相欽慕牛弘亦深加敬異竝虛心降節投分申
交而楊素負才耻已不若雖外示接引而內懷猜忌乃私
謂觀王牛弘曰吾觀武氏風骨實有英雄之度今太平無
事安用此人不加除之王等不答而柳述又潛遣相工視

帝知之深不自安會隋文帝崩因移病出外素等以為偽迹從此欲構禍端賴觀王牛弘營護得免漢高以英威冠

代取忌范魯漢書劉主以倜儻出群見疑曹操北方前事

有若合符帝既脫網羅深自隱匿雖室家追訪猶見礪山

之雲而屢里去還下一作就丹陵之日辭杜城之弋獵罷

雷澤之魚釣獨覽前志長懷古人有行高於時有行濟於

物輒慷慨擊節殷勤留想便欲冥道契於一朝託神交於

千載墳笳唱和自多附葦之觀疑風景遊遨無乏林泉之

興歲將晏也龍蟠鳳戢者久之大業七年煬帝徵天下精

兵會於涿鹿將親授節鉞以伐遼左旌旗亘於千里轉運

盈於萬軸閭閻失業郡縣不安帝謂諸兄曰夷狄不賓肇

於上古自當置之度外耳未有紆萬乘而讐小忿擾群生

而赴非急夫兵猶火也不戢自焚禍亂之萌從此始矣既

而六師魚潰九野鴻飛竟兆天亡之徵卒成土崩之勢帝

於是慨然有志方思濡足乃討論兵法商確將率上自黃

帝下訖有隋考其謀畧機權稽其成敗得失竝列名氏為

之讚論殫魚鈴武韜之術究玄女黃公之符勒成一家凡

三十卷名曰古今典要制高秦肆事軼魯門可以刻秘牒

而昇一作廟堂可以藏名山而懸日月聖人之心情可見

矣天下之能事備矣于時兵戈屢擾饑饉荐臻英傑懷逐

鹿之心氓黎有瞻烏之懼期謝公之出處以下興衰待韓

王之從就而論勝負與能之託時議攸歸長吏猜焉數令

相覘帝自惟人望懼發禍機欲混迹而同塵且韜光而向
晦乃出應期命爲河北道總管府騎司叅軍智周變通道
兼語默戢大鵬之舉遂集榆枋降應龍之神還游埒奔楊
玄感之作亂也後主方重討遼東玄感進圍洛陽官兵頻
戰不利城中大駭議欲出降時帝在東都懼其失計遽往
見留守樊子蓋爲陳用兵形勢制敵權宜論玄感必敗之
徵說都城可守之策子蓋大悅拜而從之爾後軍謀一皆
諮稟卒擒玄感帝之力焉後主歸自遼陽子蓋方之行所
邀帝同發擬相推薦帝知後主猜忌不願多取功名深自
謙撝發言懇到子蓋心悟嘆息而罷於是沉疑作以軍功
奏授正議大夫遷晉陽公宮留守司鎧參軍無忌之克敵

讓封仲連之立功辭位比我休德曾何足云帝旣憚
書兼善衆術拂龜端策未勞詢於詹尹推歷考度無假訪
於山稽大業十二年後主幸江都宮帝私謂諸兄曰此行
也不復還矣繇是鄉里宗族勸帝起義帝每自推筭知時
命未符又念叔孫賀之言故抑而不許初李密爲楊玄感
謀主玄感不能從及聞帝與樊子蓋運籌所揣皆如密意
乃歎曰天下竒才也遂遣書招帝帝笑而不從諸兄素聞
密名勸帝帝曰密雖有才氣未能經遠欲圖功業終恐無
成會唐高祖安撫太原便留鎮守帝觀之曰雄傑簡易聰
明神武此可與從事矣投刺往謁焉賈文和之揣君酈食
其之觀將翔而後集可謂明也高祖亦虛心結契握手推

誠周文之得姜牙載以駢服成湯之逢伊尹告之宗廟便
應瓜牙之任即承心膂之託高陽賊歷山飛來寇帝從高
祖擊之弧彎六鈞箭穿七札隨手必陷當皆靡亂神兵掩
擊醜虜大殲熊山之破赤眉不比其捷犬邑之摧青犢未
傳其備光武大破青犢十餘萬於野王孫之射犬高祖嗟嘆賞賜甚多軍師凱
旋便過帝宅樂飲經宿恩情逾重其後數過輒宿遂以為
常帝嘗夜行聞有稱唐公為天子者登遣尋索了無其人
又夢從高祖乘馬登天俱以手捫日月於是具以狀白并
獻所撰兵書高祖大權益以自負置其書於箱篋後皆按
以從事聞程昱之夢即以為名聽張良之言皆納其策所
謂天授豈但人謀高祖將舉義兵令帝領徒於城內義旗

建授中郎將兼司鎧參軍陪斬木之經始奉披荆之緒

異中涓之受職同別校之分麾從破呂州進授右光祿師

至霍邑隋將宋老生發兵拒險軍不得進群下多請引還

者高祖將從之帝直入切諫高祖乃止决機於龍關之日

定策於狐疑之辰笑禰謚之請車同子房之借箸實建王

業事符天啓霍邑定拜壽陽縣開國公食邑一千戶屠城

斬邑既憑帷幄之謀開國承家即啓山河之賦京師平遷

光祿大夫賜宅一區錢三百萬綵五千段一作灌嬰之頻

從征伐始拜大夫去病之累著勳庸方開甲第釋干戈而

論俎豆起桴鼓而立君臣式是儀禮允歸通博義寧元年

拜禮部侍郎餘如故儀刑斯在命服有輝肅事南宮雖懋

於春典司言東掖更資於夕拜遷黃門侍郎餘竝如故職
參持蓋位連負璽茂先之博覽圖籍譽滿玉堂務伯之提
正網維名高瑣闥錄前後功效改封義原郡開國公增邑
一千戶賜良馬二百疋粟萬一無此字二千石爰膺嘉賞遂啓
大邦解漢皇之駿寧比其惠分吳主之粟未齊其寵武德
元年拜內史令帝累讓不受改授納言又固辭乃授上柱
國金紫光祿大夫散騎常侍同中書門下三品兼檢校并
鉞將軍賜田三百頃奴婢三百人綵物二萬段黃金五百
斤別食實封五百戶金章紫綬玉帛黃扉柱國齊元相之
班將軍比命卿之服膺上賞而平軍國坐中樞而議文武
恩榮兼被時輩莫儔三年拜工部尚書餘竝如故差有八

座配象七星以百揆之樞衡參萬機之損益德績兼備

望日隆于時軍旅猶殷憲章未洽帝盡心翼亮推誠匡輔
入有造膝之謀外弘匪躬之義興復乎九疇之叙彌綸乎

百度之闕頽綱所以克振令典於是畢修高祖之禮絕群

彥進封膺唐書作應一本作晉國公加實封八百戶餘竝如故高祖

又謂帝曰朕在并州之日恒往卿家今欲使卿一門三公

用微蒼主人之意也是日封帝長兄司農卿士稜為宣城

郡公次兄行臺左丞相士逸為六安郡公舊唐書作安陸縣公竝食

邑一千戶歡比連席之舊契均同舍之游酬德踰於二錢

報恩過於一笥闔門受邑寧唯吳漢之子孫舉宗畢侯豈

直蕭何之兄弟爾後高祖行幸常令帝總留臺事兼知南

北牙兵馬判六曹尚書相國之處秦中蓋資鎮撫令君之
住許下仍參籌畫具瞻惟允是謂國鈞時帝先缺中闈高
祖親為求偶謂帝曰隋納言遂寧公楊達才為英傑地則
膏腴今有女賢明可以輔德秦晉之足不能加也於是特
降綸言俾成姻對高祖自為帝婚主遣桂陽公主專知女
家降六禮於璿樞指三星於金穴魯夫人一作大夫之嫁女卿
士送迎張公子之取妻乘輿供帳作儷於鳳凰之兆相從
於孔雀之樓伐柯則歡其食魚流行則美其巢鵲是配琴
瑟爰宜室家欽若有行即孝明高皇后妃也始同媿水之
聘終啓塗山之業求言好合若有神靈之契焉憬彼塗泥
寔惟淮海襟帶全楚咽喉勁越雖孫權故業久黜霸圖

劉濞餘妖

一作妖

仍多反氣杜伏威初行僭逆輔公柘繼以

亂亡泉藪未懲萑蒲猶在帝思俾乂遂紆時哲以本官權

檢校揚州大都督府長史賜錦袍寶帶一具爾乃撫之以

誠恕經之以權畧鈞距閭施既問羊而知馬網羅潛設亦

因魚而得鴻降北海之渠未踰期月盡

一作勦

南山之盜詎

假旬時然後商旅安行農桑野次化被三吳之俗威行百

越之境輶軒符節之使復下於蠻陬齒革羽毛之琛還輸

於王國矣始高祖之餞帝也期以半年及江湖既平帝將

入覲父老數百人詣闕上表乞更留一年潁川之還借寇

恂臨淮之重祈侯霸儔功語德彼獨何人璽書褒焉復留

鎮撫九年太宗以儲宮統事乃徵帝入朝寵賜頻繁事以

殊禮荆河奧壤密邇瀝洛自昔股肱之郡由來戰爭之場
飛水初澄雖免鯨吞之患藜祠未翦尚有狐鳴之妖受委
共康非賢勿授使持節豫息舒道等四州諸軍事豫州都
督賜黃金二百斤朱轡首途吏人抃舞而交謁皂蓋臨府
盜賊驚惶而請命傾巢咸附闔境肅然棄戟捐矛既如張
霸之政術含哺鼓腹更似岑熙之歌詠利州都督義安郡
王孝常稱亂劔南扇動夷落孝常誅死餘黨分竄劫掠未
息朝廷患之太宗傳訪群寮咸以爲非帝不可貞觀元年
拜利隆始靜西龍等六州諸軍事利州都督郡惟遐徼地
實偏啜尋蜀帝新開之途經漢主舊燒之棧渝人賓旅獸
駭禽驚帝招輯叛亡撫循老弱賑其匱乏開其降首百城

繫弓而不用群盜束手而來歸弘以善貸之恩赦其既
之罪未移弦望郡境又安制書褒揚增邑五百戶賜珍物
服玩黃次公政稱長者裂壤開封杜伯侯動無間然賜書
增秩五年改授荆峽澧朗岳果松等七州諸軍事荊州大
都督眷茲上流實惟舊楚接荆臺之跨踰連渚宮之形勝
一都之會昔號難治帝仁化久覃威名先著褰帷而十部
咸肅閉閣而萬殊皆理寬力役之事急農桑之業徃園空
而京坻實姦回息而禮義興市不倚門田多讓畔烝人罷
訟詠河上之甘棠游女無思歌漢濱之喬木流化實同於
二陝宣風寧止於六條先是微屬亢陽頗傷時稼帝乃親
往長沙寺迎阿育王像而祈焉俄而油雲勃興大雨洪澍

倏忽而四境滂霈頃臯而千里霑洽申虔未踰於晷刻降
福遘同於影響一州歎駭稱有神明是知元符未臻且列
於公侯之位帝道潛契實冥於天地之德昔者姬文事紂
行化始自於江池晉武平吳樹勳實由於荆土誠作霸之
基址乃興王之窟宅况復風煙氣色樓臺邇翔鳳之川邑
里光輝阡陌通卧龍之境爰紆不世之主將建非常之業
於是乎百物呈瑞三靈降休游殷朝之白狼止鄩尹之丹
爵含牙之獸遁迹於殊隣同穎之禾垂苗於近甸惠愛之
德著矣皇王之迹兆矣然後白氣流而聖人感黃河清而
聖人生奄有六宮遂荒三象化千乘而為萬國撫四海而
成一家起藩屏之會昌致寰瀛之景福大矣哉九年唐高

祖崩帝奉諱號慟因以成疾太宗遣名醫診療道路相望
醫以病候將深勸令進藥帝因舉聲大哭嘔血而崩敬想
忠義之風緬惟臣主之分求諸古昔未之聞也時年五十
九遺令歸葬文水因山為墳穿足容棺斂以時服灞陵之
不藏金寶紀市之無變屢肆惟聖達節千載同風於是具
僚失圖闔境哀慟農商號於野士女哭於衢三月停等瑟
之音再期深考妣之慕寧止東城故老安歌對陳氏之祠
復見南峴吏人垂涕望羊公之碣太宗聞帝崩狀嗟悼久
之一作良久曰可謂忠孝之士乃命史官書之追贈禮部尚書
配食太上皇廟贈物八百段米粟八百石官造靈輦送達
故鄉仍委本州大都督英國公李勣監護喪事緣喪所須

竝令官給遣郎中一人馳驛吊祭謚曰忠孝公禮也天皇大帝嗣膺乾曆光闡帝猷思盛德而有懷念元功而載佇永徽元年改贈使持節都督并汾慈嵐四州諸軍事并州大都督餘竝如故聖上肇開陰耀正位坤元永徽六年又下制贈司空如故顯慶元年又贈司徒改封周國公食邑四千戶咸亨元年贈太尉兼太子太師太原郡王食邑五千戶以文水三百戶充奉陵邑置令丞已下官夫源流廣而津派長枝葉繁而本根茂况立德之祀奄百代而全昌謀孫之基冠千齡而首出與夫東漢外戚西京異姓不同年而語矣文明元年皇帝臨朝追崇為魏王食邑一千戶永昌元年群臣以名號不稱抗表固請於是上尊號曰忠

孝大皇及鍾石變聲謳歌有奉皇帝欽受終之茂躅御新之景命改正朔而營宗廟定郊立而立社稷聿尊故實光啓鴻名乃奉冊尊大皇為孝明高皇帝陵曰昊陵廟曰太祖推大功而增大號奉先之義存焉享皇極而配皇天敬始之誠備矣仍以為千人起邑名未光於寢園萬戶陪陵班僅齊於令長恩廣崇陽之稱更增奉明之秩聖曆二年乃下制改昊陵署為攀龍臺加置官屬佐吏灤水將九河齊瀋橋山與四岳爭高然後肅敬之儀旁絕於恒數尊崇之志上申於罔極蓋天子之孝也庸小人之可談乎初晉陽懿公既受田於文水有紫氣發於其地上衝太微占者以為富有聖人興於此邦至是而天下宗周符於所占

矣帝神氣和雅天姿英邁率爾坦易而無廢務儼然威容
實可親昵俾好賢而樂善博識而多聞游談者空慕其風
鑽仰者不知其度若乃觀文察理覩奧鈞深推六畫而見
三才覆四營而窮萬象斯乃皇風之所以際天人也敦本
抑末納祐蠲邪探秘術於九門致成功於六府斯乃大帝
之所以慈氓庶也語竒正縱橫之術論帝王仁義之兵教
驅武熊羆作舟車器械斯乃軒后之所以張武功也溫良
濬哲淳懿文明觀象乎蕪火之衣聽言於宮商之律斯乃
媯水之所以昭文德也聲爲律而身爲度勤於國而置於
家沐雨而櫛風卑宮而菲食斯乃夏王之所以求諸已也
引罪讓德持尊下卑虛襟於藥石之言屈體於芻蕘之議

斯乃商后之所以聽於人也不傲不逸多藝多才求賢
官興法立度通刑政之要達禮樂之情斯乃周公之所以
勤王事也宮牆罕測性道難聞筆削所裁群賢無措言之
地憲章所綴百代成不刊之式斯乃孔宣父之所以正人
倫也兼列聖之純懿總百王之事業時運未集東臯輟鴻
鶴之心天衢旣亨北面就人臣之禮似文命之匡虞曆都
君之輔唐政終能與時俯仰隨運汗隆居位恒屈其身蒞
官必行其道是以參謀帷幄則消薄蝕而殞撓捨助理益
梅則成雍熙而作舟楫名裕於八能之士德高於五聖之
臣及錫瑞分珪牧州典郡其人變而衆化其政賢而郡美
人稱來晚謳歌迎節傳之車出有去思號泣擁檐帷之路

豈唯南征而北怨固亦西泣而東悲仁覃於雞犬之鄉澤
浸於蟻螻之穴用能摛光表之盛業啓格天之洪緒存膺
顯位彤弓開九命之尊歿享大名紫籙登萬乘之貴豈非
天道人事祐賢福善之徵歟皇帝念過隙之不留哀終天
之罕報欽致孝之前轍一作仰增名之舊式以爲廟堂作
頌公業纔播於朱絲簡書策勲德音不傳於翠琰將謀相
質之事更弘顯達之躅載紆中旨爰命下臣考泗水之遺
風求弇山之故事奉天經而揚詞藻圖帝範而懸金石將
使神功睿業配圓象而照臨茂烈崇徽共方儀而永久跪
承大命而爲頌曰

厥初剖判肇有君臣體國經野司天屬人三微遞襲五

相因惟德是輔惟乾罔親其一謙莊斯崇荒侈則替金鏡

失玉儀難繼於皇聖周獨與神契受錄千祀重光百世其二

軒謙擊立辛遷稷升岐山光啓豐水丕承淳耀中缺靈符

更興三才奄有八景時乘其三方隆慶基誕生睿德齊聖剛

毅欽明柔克行爲天經語成帝則文冠楊史學窮儒墨其四

僂俛三聘觀光九重未交劉徹先揖袁逢路險難進才高

不容言辭吠犬退保潛龍其五人忌英雄物疵孤直隨運出

處與時消息遂汨泥沙爰栖枳棘擇木候主搏風舉翼其六

披荆晉野借箸汾圻霍邑通路秦關啓扉策無遺兆慮必

先機漢主分食蕭王解衣其七裂壤疇庸升朝致績勲刻燹

鼎任司衡石玉鉉調梅金壇秉戚職備文武道光帷幃其八

恩洎同胞禮加內主魚貫納幣鴈行分土外館施衿中臺
曳組榮被親戚慶隆今古其三事出牧九卿為守憂一作患

人急才屈道資祐淮水卧汲潁川借寇龔遂買牛宋均浮
獸其荆吳異俗梁豫殊鄉德績均被椒蘭共芳歌迎來軸

泣送歸艗朝禮斯懋宸心孔臧其一堯得聖臣納諸大麓
舜讓才子止其枚卜况我皇明蕪而韞櫝徒屈時命罔終

天祿其二戢耀南紀遷神北維二分齊德三馬同基漢曲
圖像江施立祠存流美化歿有餘思其三欽若大君奄荒

天位率由禮樂仰尊名器禋郊展儀升壇立謚祗敬已洽
孝思無匱其四衣冠軫慕園寢加隆裸擇殷士歌留沛童

弁山垂裕濟水銘功流德音平翠琰配貞觀於玄穹其五

文苑英華卷第八百七十五

國

古今圖書集成
博物彙編
藝術典
三百五十五卷

五十五

